

小州縣初仕補序

國家設官分職各有專責州縣乃專理民事者與民最爲親切休戚相關也如果民情醇樸稍知禮義廉恥不致有犯科條固善矣但世道人心良莠不齊強弱不同難免無奸盜邪淫不法之事地方官不能不分別懲治之以淨閭閻在老於州縣者無論大小事體自能通權達變隨時辦理毋須多贅若初經到省風俗不知方蒞新任民情未曉所有應辦之事不一而足若非有所指歸不惟事無頭緒抑且無所依傍其承上接下一切事務誠恐思慮難周不無措手爲難此編乃

州縣初仕小補

卷上序

森寶閣印

褚子舒兄親所閱歷見聞或因彼事而論及此事意度所及者逐一臚列凡有應辦應爲酬酢應答內外照料雖纖微小事莫不縷細備錄纖密安恰以之循而行焉實初登仕途之津梁也光緒四年歲次戊寅子舒就政於余故繙數言以誌之

愚弟松谷張權序於省寓

序

愚村居訓蒙三十年一繡瀋老書生耳庚辰科會試後以大挑錄分廣東相去萬里言語殊風氣異矣既到省察其人情訪其土俗思預爲吏治之地悵悵然莫知所之因請教於同鄉 褚子翁先生蓋官粵東二十年所至最以循良著者也 先生遂出所著以相示捧讀之下見其不矜才不使氣準情度理縝密周詳諸凡應施瞭如指掌遼而行之可以無大過焉誠初宦之津梁也爰筆數語以誌感佩之意云

光緒辛巳仲秋

鄉晚生韓輝祚拜識

州縣初仕小補

卷上 序

二

森曾閱印

序

光緒庚辰春奉檄承乏東安是秋山左褚子舒先生以大憲委勘礦務來邑相與過從朝夕共話生平稔知屢念民瘼講求吏治務以誠信化人以故兩至陽山又蒞電白歷著循聲非倅致也先生固政事長才然亦賦性純樸每有所疑問輒娓娓示教不倦顧舉一端之是非得失罄以相告幸聞命矣惟州縣幾務紛紜將何所秉承而使銀鉅之投煩劇之會物來順應條分縷細而胥奏効於臨時耶曰余嚮者著有州縣初仕小補藏之篋中願出與共訂之明年冬索觀未得又明年夏並以瓜代印篆旋省獲覩是編意

州縣初仕小補

卷上 序

三

森曾閱印

美法良前模具在誠入仕之先路也夫吉光片羽一物之珍人爭奉之况以數十年見聞閱歷心得之要筆之於書俾作吏者瞭然於胸如登太行自卑而高其幽綠曲折之區皆得纖細而委蛇與赴以之興利除害霖雨蒼生功德記有量耶昔僧倬子琰并爲山陰令父子著奇績相傳有治縣譜不以示人今其令哲嗣南波大令振湘以知縣引

見分省行將以家學出宰名區後先輝映然則是編之成與治縣譜不少遜也乃雅意拳拳公諸同好其賢於古人遠矣  
光緒八年歲次壬午仲秋如弟何榮璋拜序

序

同里褚丈子舒余父執也別垂廿年矣回憶漢江相聚日聞緒論知丈夙蘊吏才然未得展其驍足後雖勞無西東音問久梗而心儀其人不置也前歲承中丞裕澤生夫子見招來粵爲司記室余心暗喜因知丈久宦是邦此行再獲承顏接詞當有以教鄙人也抵境後私采輿論則頌丈者翕然交作固知曩者所述已起而行之矣丈先宰陽山是缺糧瘠以除民害故懸重賞構獵巨盜李水鳳等諸賊目且有利必興所需惟自捐廉俸不足則貸諸戚友雖負累滋深不計也去後士民請之大府重借寇君丈於是復蒞茲

州縣初仕小補

卷上序

四

森寶閣印

州縣初仕小補

卷上序

五

森寶閣印

奉爲圭臬乎爰綴數語誌其欽挹如此  
光緒壬午仲冬世愚姪林元英炳如拜誌於化城節署

邑閩三載以憂去官父老攀轅臥轍爲丈易輶以示遺愛服闋繼任電白邑僞命擇噬案丈下車始卽痛懲之慎知土匪梁歪生廣收亡命意將不利於邑乃不動聲色畫策擒之保全特衆不自居功迨及瓜代去不久遂有莫毓林之變幾致城陷不愈徵丈之善於臥治耶丈性敦謹不事矜詡浮名非所重有爲延譽者輒謝不敏常名其齋曰淡淡雅抱亦可想見已余嘗因間問曰丈所至有神君稱爲政之道可得聞乎丈乃出治譜二卷相示戒誦之見其承上接下事無鉅細昭然畢舉始知到處受其福者悉本於此弗審費賢父母幾許苦心裁成斯集有心吏術者又烏可不錄一冊

初仕小補序

山左子舒褚大令以經濟之長才爲循良之上選其蒞粵服官固已歷有年矣余於同治癸酉歲筮仕來粵卽耳其名而彼都人士於其所宰治之邑亦復津津然時道其政績於勿衰然猶祇得之於虛稱而未得之於實驗也甲申季春余捧檄來蒞維時大令亦綰篆威城誼本同舟忝膺牧任接晤從容之會快披其公餘所著初仕小補一編爲書若干卷其間由事上而馭下山親民而勵俗有若繭絲之細而不嫌其繁瑣有若米鹽之碎而不厭其零星而其尤耐人尋味者則有若布帛菽粟之至質至樸奉其言而足

州縣初仕小補

卷上序

六

蔡晉閣印

以廣被羣生永饑百秩者要無非古人所謂實事求是之旨而已夫宇宙之物微實無以觀其成宰牧之事非實無以達其用從知一官一邑之治理其職端在親民其任兼期率更則語雖小而天下莫能破焉世之治民者果其如李北平之能以實致人將以之宰一邑可也卽以之宰天下亦無不可也余讀是編而幸其與古人之教訓成規若合符節且因其虛衷相質藉勵官方爰不揣謬近約誌其梗概於簡端云

光緒十年仲冬廬陵晏賜書識於羅陽官廨之勤求軒

序

於戲天下之民最切望者莫如牧令天下之官最可爲者亦莫如牧令國家設官分職闢舉至重內則宰相外則牧令宰相所經營在天下牧令所經營在一方至於目擊民生之利病習知人情之好惡則宰相有不及牧令者焉牧令者親民者也信能於親字認得真做得透則上不負國中不負己下不負民民亦樂稱爲父母此牧令所以最可爲也而體其實者卒妙子舒先生作官粵東福躍所臨循聲卓著心儀者久之宰西甯時適歸人遊幕瀘江因屬素好寄其初仕小補一編謙囑釐訂並榮序言受而讀

州縣初仕小補

卷上序

七

蔡晉閣印

焉凡所謂興利革弊拯疾救苦無不深切講求條分縷晰其細入微莊老吏屐齒所不到者亦揭而出之本實心以行實政視民事如家事無他親之也或曰吾人一行作吏凡以爲民而已是編開卷即說應酬末節爲官之計先爲民之計後何也曰是有說焉士有出身草茅往往以贈答周旋未經諳練雖極關心民瘼無從措施中庸爲明道之書猶云不獲乎上民不可得而治職是之故先生閱歷素深不忍初仕之向隅詳細指陳務令大府先相器重舉官之欲措於民者得以次第徐行而後安蓋一人之及民有限合凡入官者皆有以及民則其及民斯無窮是編首言應酬正

先生大公無我之心爲民計迫而先爲官計古有爲政論者有爲治縣讀者孔文舉諸葛武侯集皆有手教若夫明白朝暢婦孺可曉近世如王文成呂涇野集內所存條教視他文爲尤勝然是編一出昔人不能專美於前膺民社者循是以治一邑而一邑受其福循是以治一郡而一郡蒙其庥推之治一省治天下亦將蒸蒸然咸臻上理焉豈曰小補之哉書其卷而歸之諒不以鄙人之言爲阿所好也

光緒十年歲次甲申仲冬月昆陵劉福康謹序

州縣初仕小補

卷上序

八

藝寶閣印

序  
光緒丙子季秋友山張中丞乃弟玉山以進士選授江蘇興化縣知縣來粵省親將之金陵庚忝屬同鄉於撫署晤談之餘知爲醇厚君子也不恥下問以州縣之事見詢又命凡到省及到任所有應辦之事無論鉅細不厭煩瑣詳開節略庚質本愚魯幼年又復失學前隨督憲毛寄雲先生來粵謬承許可留粵補用雖兩權陽山縣事乃山僻小邑孤陋寡聞見識未廣不足以數述婉言辭却奈諱諱相觸辭不獲免不得已遂將親所閱歷或管見所及或目見耳聞一一

州縣初仕小補

卷上序

九

藝寶閣印

臚列意到卽書不復詮次第各處情形不同其中有無可採尚希高明酌量改易所述各條言雖鄙俚理未全非在久於仕途者視之固若腐朽毫無可取而初登仕版者觀之亦不無小補云爾  
光緒二年丙子巧月山左褚瑛謹識

序

州縣事務殷繁固非筆墨所能盡述亦非先事所能預料地方之情形各有不同人之賦性亦恐各別事同辦異難據一律其事之來猝緩真僞曲直莫辨大小難分鬼蜮伎倆百奇千怪時勢靡定更難預防當事者惟有以官事爲家事不避嫌怨不憚勞苦度其虛實權其重輕臨時酌量詳審辦理庶不致毫釐千里之謬耳光緒戊寅仲春山左褚瑛序於電陽縣署之淡淡齋

序  
前承

玉山張君問途於言乃錄是篇以答之井蛙之見自知於治無裨不過意圖塞責耳此後復中秘之不敢出以示人也年來頗辱諸公下詢恒欲借觀原稿於是魏收之拙不能藏矣客或勸付剞劂余則曰豈敢蓋管中窺豹方心眼界不寬且謫陋不文措辭非雅詎忍災諸轉梨爲識者所嗤奈邇日竟有索抄者頻久假不歸取閱者踵至殊無聊本以應命乃爰集活板藉以代抄非敢前言之食也乞

州縣初仕小補

卷上 序

十

森寶閣印

州縣初仕小補

卷上 序

十一

森寶閣印

博雅君子匡其不逮或收千慮一得之效是所厚望焉  
光緒歲在壬午中秋前二日東魯子舒褚瑛識於五羊客舍

九例

一是篇原係專爲初仕者言之誠恐乍入宦途一切規目未能盡曉公務酬應亦難周知是以不憚煩瑣莫不悉載俾有指歸

一集中所述各節皆在廣東聞見所及或因此事而論及彼事或

私意隱度俱從實書不假穿鑿不與粉飾者同

一篇中各事不惟躬行者居多抑且志切勸勉倘循而行之於地

方不無裨益

一篇中詞句本屬粗陋無文然此事爲叙事取其簡明不敢誇張

筆墨見者諒之

州縣初仕小補

凡例

十二

森寶閣印

州縣初仕小補

凡例

十三

森寶閣印

久假不歸者客或勒付剖劂自揣無學識同井蛙記忍災諸類梨爲有識者所嗤然舍此又無別本以應不得已爰付活版刷印不過藉以代抄云

一篇中各條雖經親歷或管見所及但賦性愚魯錯謬在所不免惟事情變幻難以逆料故每有因時制宜相機辦理不可拘定以致貽誦膠柱鼓瑟

一篇內所述各事身歷其境者爲多意到卽書一一臚列不復詮次識者諒之

一篇大意凡事有成規者俱宜率由舊章不可擅改舊制或另出己見創造新奇以致畫蛇添足落後人笑柄是以每有循舊照辦之語以申勸勉

一是篇不過大畧原稿之籃內未敢示人而知者借觀抄存致有

州縣初仕小補總目

卷上

到省稟到并請假

酌收家人

聘請幕友

稟辭赴任

道府幕友

道府禮物

紅諭到任

州縣初仕小補

卷上 目錄

卷首印

先進公館  
開造事宜  
前官送印  
接印坐大堂

免堂參  
不收禮物  
請前任官幕  
接見屬官

與前任錢行

牌示點卯

點監犯

監羈派家人

考取代書

擇日開征

巡閱城垣

請同城文武

如期收呈

州縣初仕小補

卷上

卷首印

批閱呈詞  
積壓呈詞  
呈詞副狀  
刊刷號簿  
違式呈詞不收  
攔輿白呈不收  
不准公呈  
宜立聲威  
不准擊梆

白日坐堂

幕友相助

訊結前任案

先擎兇手

相驗輕騎減從

驗看生傷

驗屍莫避臭

銀鍼探毒

斷腸草毒

州縣初仕小補

卷上 目錄

三

森寶閣印

毋惜賞費  
命盜案不可匿報

審理姦情

不准私押人犯

要犯卽問

忤逆不孝

平心靜氣

不用嘴把

不用非刑

州縣初仕小補

卷上 目錄

四

森寶閣印

詞訟度理

罪犯收監

板櫈壓扛

吊犯不可與食

服吃刑丸藥

傷毒命案

暗記要言

起解犯人

撥兵護送

賊盜窩家  
賊頭強盜  
親廝命案  
嚴拏土匪

孤貧口糧  
接收倉穀  
稟地方情形  
禁演淫戲

州縣初仕小補

卷上 目錄

六

校讎關印

清釐羈犯  
隣封相驗  
捐施棺木  
開報犯人  
新舊交接嚴防盜羈  
遞解軍流  
婚姻不斷離  
親族莫打  
串票查清

州縣初仕小補

卷上 目錄

五

校讎關印

徵收錢糧  
安設糧站  
起解錢糧  
錢糧稅契減價  
稅契大頭小尾  
包徵包解  
各營兵米  
書院膏火  
各廟祭祀

州縣初仕小補卷上

山左褚 瑛子舒著

到省稟到並請假

到省卽差人各衙門掛號稟到恐懲限逾期一面稟假繳憑以便訪問情形拜謁同年同鄉如有來拜者皆見誘問一切風俗數日後銷假先見首縣首府依次恭謁各憲聽候分示

酌收家人

下委後各處所薦家人必多須探明此缺實用人若干於臨起程時派明榜示餘者候薦斷不可多帶否則盤費事小若輦回省必

州縣初仕小補

卷上

一

卷上

州縣初仕小補

卷上

二

卷上

府道禮物

到任時府道如薦家人酌量收用其例送禮物恐不能全收須再備土儀數色數送無不收者幕中亦必點綴不可少也

紅諭到任

起程前一日卽專家人持紅諭告示先往曉諭書差人等不准遠接并預備公館一面函知前任趕將未了事件清結庶免藉詞遲延若請讓幾日我經看定日期斷不可更改

到縣先進公館

到縣先進公館未拜儀門不可進衙門若有公事着家人與前任

稟辭赴仕

省城稟辭後卽行到任自母庸議若先見本府然後到任須酌量

商議來拜儘可面商接印後即時回拜並拜舊任幕友

開造事宜冊

未接印以前令各房書辦開造各管事宜清冊送閱有不明之處喚來當面細問

前官送印

接印之日前官必先數刻將印信並各項人役花名清冊移送酌量賞給來使代茶或四圓或六圓其交代各冊有當日移交者有異日者有一二十日月餘者更有官先回省留家人送交者送時有酒席金者亦有並無者各處情形不同悉皆聽之接到後即請

州縣初仕小補

卷上

三

恭賀開印

州縣初仕小補

卷上

四

恭賀開印

免參堂

拜印時巡檢捕廳稟賀堂叅令家人辭曰不敢當請花廳坐退堂後或拜灶拜祖畢卽到花廳少叙待茶送出幕友來道喜隨卽到書房稍談而回同城文武拜賀不見者多異日卽各回拜并拜巡典紳士

不收禮物

凡巡檢典史禮物概不收受以示體恤紳士禮物亦概璧謝庶免挾制此後書差人等致送物件食品尤當拒絕

請前任官幕

幕友核算不合者簽駁更正倘有糾纏之處自有監盤之員會算兩得公允

先拜儀門

接印時先拜儀門暫到簽押房少坐等外邊伺候齊備穿朝服掛朝珠望闕謝恩再拜印換常服升公座各房稟請開印簽押事畢退堂

接印坐大堂

到任坐大堂拜印後各房書辦用印請簽押預先令各房將應簽何字於簿內粘一紅條以便照簽恐臨時錯誤貽笑衆人也

與前任錢行

前任卸事後必有數日耽延始能回省如在衙門同居先爲備酒

接見巡檢典史時間到任幾年久者則問地方利弊紳士誰優誰劣土豪訟棍幾人是何姓名令其開送以便擎辦其新到任者諭以地方賊盜娼賭皆宜留心不可因循不可擅受等語因時變通到齊公請一飯卽催其回署

接見屬官

儀行再於起程時或在二三堂備酌讓前官清酒三盃殷勤盡禮上轎時用拜墊叩首送行以敦寅誼落船後仍到船上話別若居公館則與同城在城外公所廟宇由縣備辦酒店公儀臨行時同拜行禮禮不可虧

牌示點外

到任後例應點外擇日縣牌查點點書辦則諭以務必小心辦公倘敢串通舞弊或貽誤公事一經查出定卽責革不貸點差役則諭以嗣後如有差票務必按照標發日期帶到如敢遠延或帶到私押班館或任意索詐隱不具稟一經查出恐爾等性命難保後

州縣初仕小補

卷上

五

森寶閣印

有疲玩者重懲數人示以言出法從到任之初必須嚴厲使百姓等咸知畏懼以後公事易於著手

點監犯

擇日祭獄神備三牲禮親詣行禮先點禁卒戒諭日夜小心不准偷安賭博再將犯人預先令刑房開造花名清冊每犯名下註明

年貌犯事案由收監年月日期按名點驗刑具是否堅固齊全分

付安分守法卽將祭物賞給仍按名賞犒錢一二百文隨到監羈各房看驗木籠是否堅固地舖是否活板諭令差役人等小心更夜疎虞必重究不貸地舖時常打掃乾淨不准懶惰

監羈派家人

監倉羈所關係緊要應各派家人一名專司其事收封開封必令親爲料理倘有疎虞所關匪細口糧燈油按數給發不准絲毫扣尅監獄乃捕廳專責亦命其親自常到照料檢點斷不可大意疎忽

考取代書

考驗代書如考取之後發給獄記以專責成若各房亦請獄記不可亂發一則恐起爭端二則事無專責各處情形不同宜臨時察看相機辦理

州縣初仕小補

卷上

六

森寶閣印

擇日開徵

到任後擇日拜倉神開征各倉口親爲看驗諭倉書人等若有滲漏之處隨時稟明修補不可因循問明有開徵規禮若干不可受其朦混此日暮友及家人內外皆有酒席各處情形不同問明酌辦

巡閱城垣

到任後必須巡城閱視一遍城垣如有倒塌之處擇要修理免致愈倒愈多所費更鉅其各處兵丁俱有犒賞問明按照舊章如數發給不可加亦不可減恐後成例

請同城文武紳士

到任後同城文武均宜聯絡親近卽備酒請敘再請紳士請幕友各按所司辦事

卯期收呈

卯期呈詞自己親收爲是一則僥倖之抱告不敢卯卯代遞其親到者便可當堂詰問或收或駁隨時可以發落若請代收去留則不能作主轉多筆墨

批閱呈詞

州縣卯期呈詞批閱最難除命盜重案隨時呈報有傷痕可驗有

州縣初仕小補

卷上

七

藝覽圖印

形跡可勘毋庸置議外所有尋常案件詞中之情節眞僞莫辨事理之謬妄難測其由代書造作者尙不至於離奇惟訟棍之刁詞或指東而說西或將無而作有或捕風捉影或空中樓閣講張爲幻任意妄指百奇千怪難以枚舉批閱之際宜詳細審視觀其意向著重在於何處擇其要害情理不順之處嚴加駁飭使知官不能欺再呈再駁迨被告呈訴到案兩情比較可以得其大概方可

婉批本當不准姑念控訴有因准傳訊究辦其似有情理者亦當

擇其欠順之處挑剔數語駁飭仍轉語曰姑准傳案訊究凡兩造呈詞固不可一概批准致滋拖累亦不可供爲批駁轉生事端蓋

積壓呈詞

卯期呈詞自有簿點名收閱其中亦有不收者令簽押另造一本將收者按名開列刻已批小截於牘批時將已批之呈簿內逐一印記呈詞內或有因查卷票覆致爾遲延往往有不批者告狀之

州縣初仕小補

卷上

八

藝覽圖印

看有無碑記界址兼詢附近彼處之紳衿眞情何如先有幾分主宰俾傳訊勘驗時得有把握此皆批呈之大節目幕友自能逐一批明但初入仕途諸宜留心大概情形不可不稍知一二據之務當不即不離一經批准卽應傳訊人証到齊卽應設法完結不惟案無積滯抑且百姓感激

人輒多心懷怨望然旣已收其呈詞惟有秉公批示無論所控情節要緊不要緊隨時查閱簿內未批之呈開單請幕友速爲批發據期一紙不遺盡行批出庶百姓不致議論短長也

呈詞副狀

所收呈詞副狀乃官幕親批應爲備案之件令簽押彙齊或按月或按季砌釘成本送內存留以備查閱於交卸時各自帶回

刊刻號簿

另刊空簿一本寫某年月日留空據某處某人控某人某事等情一案再將原被干証鄉紳族老分行平寫現填人名復將原差某州縣初仕小補

卷上

九

恭賀圖印

人限幾日帶到一一註明所有詞訟登入簿內此簿交門印各一本照式填明按票發日期令其催差趕傳一目瞭然不惟案無遺漏抑可杜書差擺弄壓擋之弊

違式呈詞不收

三八告期收呈有正副狀者方收其違式紅呈白票一概不收藍紅呈白票既無住址又無店保在訟者所費無幾架唆者又易爲力一經接收則紛紛效尤以式狀爲虛設矣且票傳時如匿不到案差役以無住址店保藉詞推諉必得飽其所欲而後已故收紅呈白票事雖小而爲害甚大湏訪明地方情形卽明白曉諭禁止

攔與白呈不批

在本城因公出入及拜廟行香如有攔與遞呈者果係違式具呈蓋有代書獄記列明抱告店保儘可照收其紅白票呈概不接收倘攔與橫拖轎杆不放只須收下擇其事關緊要者仍令另換式呈批發餘皆不批示則可省許多事百姓可免受許多害爛衿訟棍亦不能任意包攬

不准公呈

凡有紳耆公呈不可輕准蓋自愛之人雖事甚切已尙不肯徇徇公堂況非已事乎藉口地方公事聯名具呈必有假公濟私者其州縣初仕小補

卷上

十

恭賀圖印

非安分可知卽事鬪利害言有可採姑受而不批別自體察舉行切毋輕聽遽詳致開紛擾之弊至書吏稟陳公事尤不可信用公呈之弊高廉各屬尤酷每有一呈原告恐不得直賄賈舉貢生監及耆民人等遞公呈以証所控其事彼等見聞甚確並無虛妄准與不准所不計及而出名已得數金矣若果一准邀請到堂得錢而已此余在高廉親見者故宜慎之

宜立聲威

到任之始紳民欲看新官之作爲以爲展施之地步訟棍爛匪觀

刑罰之嚴否預備或擺之奸計畫辦之舞弊差役之狡猾一則情形不熟二則茫無頭緒若不於立法之初稍立聲威嗣後振作爲難卽於前任未了之案自己細看當如何辦理平允再與幕友商議可否然後坐堂訊問案中是非於堂單內判明固妙否則退堂後判定發出亦無不可發軔之始摠求妥善如此斷結三兩起使

衆人咸知此官精明不敢起輕慢之心嗣後公事卽不難辦矣不准擊梆

三八如期收呈向有定章此外遇有命盜重案擊鼓敲梆迫於情急原所不禁乃鬥毆吵鬧細微小事輒亦擊梆喊叫不惟殊駭聽

事件或間正兇要犯下落恐人雜走漏風聲卽在花廳密室只命書差數人伺候錄供若必用刑之處隨時呼喚閑雜人等概不准進以示嚴肅庶免屈抑

幕友相助

州縣事大任繁一已之精神耳目難以周知必須得人相助爲理方能有濟訪延幕友爲第一要務其德行素著品學較優結實可靠者卽推誠以厚待之實心以信任之不必存心疑慮而後始得其實效相處可能和陸永久不致畏難苟安因循貽誤致爾上下間隔物議短長也

州縣初仕小補

卷上

十一

森寶閣印

聞抑且無分輕重到任後如有此弊可出示禁止並嚴諭把衙及差役人等一體知之如違卽將把衙差役責惩

白日坐堂

凡坐堂理事如有夜晚帶到要犯自應卽時訊問不便迎延其餘各案俱宜白日審辦爲是緣案情虛偽百出並有串通訛詐不一

而足一經到堂原被告之語言神情書差之眼目舉動心傳神授

曉擺以意會點綴而乘隙一切情形莫不畢見鬼蜮焉逃較之燈光之下烟氣縹繞遮前影後者清楚多多矣堂之上下所瞞者官一人而已卽白日尚恐被其欺瞞况昏夜乎倘有緊急案情密辦

州縣初仕小補

卷上

十二

森寶閣印

訊結前任案

到任後將前任移交未了之案卽出票催傳限日帶到一經到齊卽速爲訊問可結者卽結或開釋或放保或諭令紳耆秉公調處將羈押之人設法清釐使百姓知官實心辦事不欲拖累愚民庶衆情感激

先擊兇手

凡有命案一經呈報刻卽坐堂將報案之人問明正兇何人有無帮兇傷在何部位屍在何處各情由詳細錄供在堂上親寫硬簽密差幹役前往出其不意速擊兇手一面親詣兇手一獲辦

案尙易若稍有耽延不惟兇手逃走抑且屍身發變掣肘甚多

相驗輕騎減從

下鄉相驗勘案務須輕騎減從以速爲妙一到卽驗驗明卽令屍親領埋若死屍一時不領案情卽一時難定又防唆擺男生枝節難以收手更宜嚴禁差役任意需索違則重究不貸兇手一到卽趕緊問供斷不可暫抑羈所防其生變不可不慎

驗看生傷

打架互相毆擊致傷肢體者須看是否手足他物抑係刀刃器械并頭破骨折傷痕較重者是否在致命部位量明分寸先給七厘

州縣初仕小補

卷上

十三

恭賀開印

散敷傷處并食少許可護心止痛庶不致死卽訊問因何起衅共同幾人相打何人爲首何人爲從何項器械致傷比對傷痕是否相符逐一填明傷單立刻嚴拏兇手到案訊明確供取具保辜限狀照例保辜趕緊調治是活一命卽活二命也初驗傷時如傷處有藥敷蓋不可遂行揭視恐傷風不便其傷重者難以保其不死生傷既經驗明傷單可據兇手又已供明有案即使限內因傷身死再驗屍身屍親亦不能任意妄控糾纏若生傷初未驗明屍親難免不藉命別生枝節訟棍爛匪更不無故爲掣肘唆擺訛詐是駁生傷不可不格外詳細免後來許多事端

驗屍莫避臭

凡相驗死屍若係當時自然易驗先看頭面致命部位再看周身何處有傷逐一驗明倘屍已發變切不可避臭不肯上前必得眼同屍親將所告之傷驗明若係刀傷比對刀口量明分寸縫者看繩紋八字交與不交毆死者驗傷痕是何物致傷是否在致命部位逐一一看明用手試捺若是真傷自必堅硬仰面合面俱要看過若腎囊有傷必自捲試其腎子是單是雙是否破碎倘傷此處致死額門自有紅點高起不明之處查對洗冤錄萬無錯謬若屍身腐爛已盡只有骨骼者令屍親認明是否本屍無異仵作卽報無

州縣初仕小補

卷上

十四

恭賀開印

從措手照判可也

銀鍊探毒

相驗探毒之說洗冤錄內只註銀鍊探試究竟如何探法並未講明余前兩署陽山縣事亦未曾驗過迨署電白縣事彼處假命訛索之風甲乎通省下車伊始卽竭力整頓有服毒身死妄指被毆者當相驗時見其並無重傷不致殞命而手足指甲皆青黑色若不探試明確難以折服其心卽令仵作如法試探乃用銀探兩隻兩頭各鏽上下二字上頭留一針孔以備穿線另用竹籤片削與銀探寬相等長則過之將銀探下頭折回少許包住竹片爲托將

屍身安放平正頭頸墊齊使喉口順直將銀探緩緩投入至底口不留餘將線露在口外抽出竹片將口用紗紙多層熱水溫透封

蓋其穀道亦然上下安安將頭面頸項口鼻耳穴咽喉心胸脇腹穀道各處用熱酒糟厚敷寸許蓋以草紙再用棉被或毡氈將屍密蓋以滾湯淋之一二時聽其腹中鳴响爲度抽出銀探有毒則黑色用皂角水洗之不去復用布拭之無異當衆驗視原被告各無異言倘銀探白淨則無毒明矣此則余親驗數人皆無疑義此外有無捷便妙法閱歷既少又兼愚魯未敢臆度請司牧者斟酌之

州縣初仕小補

卷上

十五

恭賀關印

斷腸草毒

探毒之法前已詳言大抵所驗服砒礮鵝片烟諸毒上下兩銀探多黑色惟任西甯時驗有一屍口中銀探邊傍僅作微黃色穀道之探則盡如濃茶深黃色初意謂口中之探下未得法或者毒輕迨後親爲指示如法遞盡久之拔看仍只如前訊之屍親據供係斷腸草水飲之而死等諸因思毒既入內何以上無毒而下有毒豈如洗冤錄所載春夏之交草鮮性烈或嚼食在心胸間其毒即重歟抑因嚴冬草枯性弱又兼煮飲水行下焦入腸胃其毒歸下歟未敢臆度但聞此草苦甚嚼食實難特誌之以備後考

回署排衙

命案相驗後向屍親云傷已驗明必與爾仲寃令其出具領屍拖埋甘結親打手摹存案案內無鬪緊要之人當堂開釋只帶原被干証回署候訊於標封棺天地封時筆向上畫遂勢撤去退堂即上轎當時不可回頭卽到城隍廟浣沐更衣行禮解械回署坐大堂擊鼓排衙多放鞭炮退堂稍坐卽到幕友處商議辦理

假命訛索

假命訛索之案廣東高廉各屬爲最他處雖有無如此之甚也高廉之中電茂爲尤甚肇慶之陽江亦如之有等不法之徒名曰沙

州縣初仕小補

卷上

十六

恭賀關印

魚販專以藉屍訛詐爲務不論遠近凡有路毙無名乞丐或江海浮屍或年老無依孤貧無人埋葬者甚至有窮苦不堪之人病將垂死者賣與沙魚販做假傷訛詐百奇千怪喪盡天良實堪髮指一有死屍卽串通本地爛伶奸匪買囑無賴男子無恥婦女或爲死者之父母伯叔兄弟或作兒子媳婦子姪親屬本屬乞丐孤獨忽爾兒孫婦女俱全男屍則哭父號弟女屍則呼姪喚母一見官到卽假號喊叫訴說冤苦問其情由無不含糊支離茫然莫對且距死屍甚遠竚立遙望不敢近前伏視掩面假號毫無悲傷種種虛誣難以言喻嘗見路旁死屍數日無過問者迨至地保報驗突

有哭兒者哭夫者伯父者男男女女號叫不已亦惟遙望不敢近前既驗明乃無名乞丐病故者皆爛棍串通買囑希圖訛詐也諸如此類當未經報案之前奸匪爛衿人等開列各鄉富戶弱族姓名某某爲正兇擇肥而噬任意訛詐鄉愚以事鬪人命隱忍路和一再搜求四方延及數十里人心惶惶莫敢與較有錢者除名抗衡者指控仍留索許地步迎之又久始遞呈內又故作支離含混之語使官生疑出票差查則與差役狐假虎威訛詐更甚迨至囊滿意足無可擇噬之人則具和息百姓受害深矣欲除此弊惟有一經報案不論命之真假不計路之遠近卽時前往親驗沿途留

州縣初仕小補

卷上

十七

禁賈閭印

心訪察再看有無傷痕詳細驗明真者照例辦案假者立將原告之人先行押候確切研訊究明主謀索詐之人分別嚴加究治如此懲辦數人庶幾棍徒咸知生畏此風可以挽回愚民可免遭害矣

輕押人証

凡訛理婚姻田土錢債細故案件如訛無甚關涉之人當堂開釋固妙倘湏候質之處若遞予釋放傳訊爲難或令其出具傳訊無誤甘結在外候質或令親友保領傳訊卽到不可輕易收押交差帶候免致索詐凌辱受累無窮

摘除無干

凡案中連累無干緊要之人於出票時概行摘除只傳原被干証及在場必不可少者到案免致株累多人

盜案會勘

盜案一經票報卽會營親詣勘驗賊由何處進何處出門戶有無破損痕跡所失財貨在何房內箱櫃會否破爛繪圖註說前後左右有無隣居亦於圖外註明若有當場擊獲賊匪立卽嚴訊何人爲首何人起意同黨若干人是何姓名逐一錄供會營嚴拏一面通報不可聽兵差之說亂拏審責

州縣初仕小補

禁賈閭印

十八

禁賈閭印

賊盜窩家

賊匪偷竊全賴窩家藏匿大盜搶刦尤靠米飯主供應賊盜一經擊獲務必根究窩家及米飯主姓名會營嚴拏重究以清盜源

賊頭強盜

地方如有漏網之賊頭潛匿之強盜若改過遷善安分守法並不滋事劫搶深自悔悟者姑且置之以安其生不可無故苛擾轉激事端倘賊性不改陽爲守分陰仍糾集匪黨衆煽惑拜會結盟或養賊搶刦坐地分贓并與本地爛衿勾結以備緩急衙門書差串通便通信息不知歛跡無惡不作者必當設法嚴拏惟初經到

任訪察恐未能真確於接見各鄉紳耆時作爲無意問地方有藏賊匪者乎地方安靖與否如有此等強徒自必有言之者各處所言相同卽有幾成可信仍不動聲色明察暗訪以昭切實既無疑竇然後密爲布置選選幹練之人重與花紅好言激勵務期一舉必獲如果獲到卽嚴訊確實錄供通稟核辦以除地方之害若無十分把握斷不可輕舉妄動設有參差喧譖莫及倘覺辦理爲難則莫若緩圖之爲愈也誘擒之法務宜慎密不可走漏風聲不可急求見功致有僨事此等匪徒未必所在皆有亦未必處處俱無尤須實力訪察因時制宜設法除之以絕後患俾靖地方不可

州縣初仕小補

卷上

十九

森寶閣印

稍存玩視

親驗命案

命盜重案一經控告辦法前已列明毋庸重敘惟是人命大事捨却重情所關匪細其事之大小難易均難預定務必親詣勘驗不惟傷痕之輕重事情之眞偽瞭然於胸心中稍有把握抑且免後來許多事端追悔無及斷不可輕令司捕代爲勘驗庶免兩造藉口生事差役人等亦不致任意索詐滋擾無忌

嚴拿土匪

地方如有傳習邪教謠言惑衆並不法之徒堅旗拜會以及伏莽

土寇聚衆爲匪之事一經訪聞卽不動聲色密派親信明練之人並紳士耆老人等前往訪察確實嚴密查拿乘其勾結未廣人數無多拿辦尙易得手果能將頭目拿獲嚴行懲辦餘黨解散地方免遭荼毒何幸如之若吝惜小費因循遷延畏首畏尾不肯拿辦勢必勾結人衆氣焰日熾不惟查辦匪易誠恐乘機竊發閭閻被害不堪言矣膺民社者先事跴防之咎百喙難辭惟當於訪聞時卽星速分派密查確實頭目何人在何處會衆共有人若干是何作爲舉動卽籌辦經費雇募壯勇遴選差役會營撥兵布置妥協設法圍捕摠期一舉必獲無枉無縱庶幾不致釀成大事地方得

州縣初仕小補

卷上

二十

森寶閣印

以安靖要在因時制宜相機而動既不可稍涉玩視致滋勾結蔓延尤不可草率妄動激出事端仍嚴諭各處紳士族老人等約束子弟各安生業不可誤聽謠言執迷不悟倘能悔過解散自當寬其既往决不深究若不改過自新必致身家不保追悔莫及如果消患於未萌實地方百姓之大幸望當事者切實留意焉

母惜賞費

錢銀之貴重孰不知撙節爲妙然地方官有不能節省者如在署中居常飲食用度或多或少其權操之在我若有緊要差使過往應酬一切勢不能不辦也又有著名賊盜緊要犯人堅旗拜會等

事奉行嚴拏吃緊飭令重出賞格花紅購線紺拏動輒數百兩更不能節省也尤宜不論何款何項甚或出利掲借典質衣物隨時給發方期於事有濟斷不可以經費無出苦訴難一味吝惜推延不辦恐遷延日久必致別生事端難以收手明知虧累難填然事迫勢逼不能不竭力措辦庶免釀成巨案追悔莫及如果因公賠累上憲具有耳目百姓自有公論據之若能與地方除害可以問心無愧彼蒼者天亦必不負我苦衷也

命盜案件不可匿報

一邑之大良莠不齊未能概行教化使頑梗之徒不作賊盜不爲

州縣初仕小補

卷上

廿一 慎審開印

兇匪也本地之賊盜易拏外來之匪徒難防一有搶刦命盜案件

地方官先已慚愧交併心懷不安無以自容若事主係良善之人稍知禮義不過報案懇請緝匪仰冤未敢放肆倘遇土豪惡衿刁生劣監便乘風生波恃係事主言語踞傲逞才濶橫任意捏報希冀挾制官長藉端妄指尤欲假公濟私或控書差得晦以故縱或捏某人知情而容隱擇噬良弱居以爲奇村隣惶恐莫知所措無理情狀難以枚舉殊不思地方官一遇命盜案件無論道路之遠近不辭山川之跋涉前往勘驗獲犯有花紅賞格解勘有解費花用耗費猶爲末節勞苦在所不避稟詳稍有延緩錯誤輕則申飭

記過重則處分撤叅更豈樂於有命盜案乎無如事主屍親不察往往藉端逞其刁狡粵省習氣大抵皆然以故凡遇命盜之案亟宜從實稟報倘命盜層見疎出要在當事者因時制宜相機辦理若因案情爲難匿不稟報或暫圖目前無事日後或事主屍親上控或他處獲犯供同此案上游查詰其將何詞以對與其日後設法彌縫諸多掣肘何若當時稟詳較爲周妥乎且緝拏兇犯俱有一定限即使限滿不獲尙有寬展之條猶可設法嚴結冀有獲犯之日至諱匿命盜例定處分恭嚴高明者自有權衡辦理必湏安慎不可稍涉大意以諱匿爲得計也

州縣初仕小補

卷上

廿二 慎審開印

審理姦情

地方姦情之案有強和之不同罪名卽輕重之各別凡問此案觀看者必多務湏莊重嚴肅色厲言正如係強姦有傷無論幼童處女已婚婦人先令仵媒驗看傷痕之重輕再問其行強始末情形與所傷相符強姦屬實卽照例接辦若係和姦祇問其始末原因自何時往來久暫其妻事瑣情概不追究斷不可任意描畫輕言笑謔顯已誣形人醜態更不可飭令跪近堂前頻頻斜窺故爲逗留使其長跪羞愧難堪惟當要言捷語速爲斷結或開釋或取保或交其父母領回管教庶免衆人屬目以全其廉恥蓋此等

淫奔之輩傷風敗俗雖拋頭露面良不足惜當思地方官爲民父母之義諸凡謹慎以示愛民之意亦未嘗非存忠厚之道否則恐百姓有輕佻之譏起怠慢之心不可不慎

不准私押人犯

凡有各班帶到要犯及一切原被人証必有羈所管押斷不可任令私自管押致有各項情弊其羈所各處湏時常派親信之人前往點驗或多或少卽時查問責懲其監倉羈所宜仿照前人改用活板不時薰洗晒晾乾淨以免各犯受濕染病保全生命功德無量

州縣初仕小補

卷上

廿三

森寶閣印

要犯卽問

凡命盜要犯人証一經帶到卽時訊問謂之落膝初供尙有幾分可信若收押一二日再訊輕則失實重則不認何則以老犯奸差從傍教唆應如何回話方有生路否則必死無疑彼有此主意問官爲難多矣此余屢經嘗試之苦也

忤逆不孝

凡送子孫忤逆者當喊控時正在氣怒之際自必極言其子之兇惡萬難姑容決意懲請當堂處死以絕後患凡遇此等之案男則問其婦是原配是繼娶共有子幾人此子是誰所生女亦照前訊

州縣初仕小補

卷上

廿四

森寶閣印

死以絕後患卽令去衣重打之暗窺其父母有無憐惜之意仍拍案喝曰重打以死爲度不必多講及至皮開肉綻血流偏體其子自必叩頭求恩曰我亦不能自作主張試懲爾父母如何其子無不匍匐哀呼父母泣求饒命者如果其父母無異言是其氣忿已消仍不遽准乃曰今日姑且免死先行羈押聽候嚴辦庶免爾父母生氣本縣亦免遭逆倫重案卽命上刑具收押令其父母回家其父母見子血肉狼籍惟恐子死不無追悔憫惜其子受此懲創尤恐官不容恕不無心驚胆戰知王法無親父母爲重不敢放肆冒犯也押候數日自有親族呈請保釋一再飭駁不准使知起減

不得自由然後當堂嚴加訓飭仍令重打親族自必叩懶乃曰看爾等之面姑寬宥之倘再不知孝順送案立斃杖下萬不再寬仍責成保人親族人等曰如敢再犯卽惟爾等是問稍有不遵速爲送案究辦毋得容隱致干併究取結保釋如此辦理此後父子似不敢輕易冒犯改過自新未可定也倘是前妻之子或庶母繼母有子控告前情則當斟酌而行要在當事者因時制宜相機酌辦不可一律拘定一概而論

平心靜氣

問案爲第一難事惟遇事不可先自存成見湏平心靜氣聽兩造

州縣初仕小補

卷上

廿五

恭賀開印

細說然後逐層駁詰或責或罰或了結開釋臨時酌量一堂不結

或添傳人証覆訊或交族人地保調處均於訊單內判明免書差舞弊其在堂上不許書差家人胡言亂語違則當面申飭以肅堂規而免串唆

不用嘴把

問案婦女不可輕易用刑卽男人嘴把亦宜少用何則若掌嘴稍偏卽有性命之憂能可用笞不可掌嘴正此故也

不用非刑

國家所定律例無不嚴密詳慎其治獄一切刑具莫不俱備周妥

是以有人干犯何罪卽有何項刑具以治之若遇事遵循辦理已足以盡之矣倘特才任性妄爲以圖見長邀譽或擅造非刑以示威或別立異法而肆虐以刑罰爲兒戲不顧他人之生死將民命而試法罔慮陰隲之有傷當其得意之際有贊揚其才能褒獎其精明交相稱譽者亦有譏其苛暴非其殘酷互相誹謗者剛復自用是非皆弗問焉造時局變移有反其所尙根究前失必有不可測之咎雖不致似來俊臣之請君入蠻秦商鞅之立法自髡然自傷陰德將來果報不爽豈不深可懼哉初入仕途惟當循規蹈矩存心誠恕庶寡過失司牧者萬希嘉納焉

州縣初仕小補

卷上

廿六

恭賀開印

詞訟度理

審理兩造詞訟要在推情度理講論曲直判斷是非其有理屈詞強伎口狡辯者卽爲怒拍案疾呼命刑以恐嚇之若俯遼認過諭以應打不打之恩使其感悟案可了結則已倘執意任性不聽訓諭不遵判斷以非爲是傲慢不情者擇其語非理屈之處使之無可置辯數其可打之道然後刑之須看人之良夕強弱酌量施行不可太重不可過輕務得其平使兩造心服庶幾案歸平允全在臨時權變非一概而論也若聽訟居心過於慈柔於犯刑者概予寬宥恐失之於姑息養奸貽害地方誠非淺鮮若專以苛察爲能

武斷爲威不分皂白任意朴笞又未免失之殘酷且怒激釀事端其於兇惡棍徒積慣土豪大爲民害聲名彰著者儘可嚴加懲治俾倣其餘以安良善若鄉愚無知偶有小犯情尚可原不爲大惡者不妨從寬宥釋諭以恩施庶幾知感而向化改過而自新總湏因時制宜不卽不離爲是

罪犯收監

凡命盜案犯如有應擬斬絞軍流徒等罪名者一有供招卽當堂上刑具<sub>徒罪</sub>標監牌收監不可因循收羈外抑誠恐竦脫堪虞惟

監羈人犯禁卒人等不無需索規費

監曰公禮

任意凌虐私行吊打

州縣初仕小補

卷上

廿七 森寶閣印

官法等弊應嚴飭管監羈家人及刑書差役禁卒老犯概不准貪賄凌虐私行吊打逼勒更不准受賂鬆刑有意縱容滋事倘敢故違查出重究並令典史勤加稽查仍密派親信之人不拘時候不避風雨突往察看果有前弊卽嚴加懲治以清弊端而示矜恤

板橈壓杠

縛條棒搥吊板橈上壓杠上擰杆等刑非狡猾之大強盜不可輕用卽用亦須謹慎縛條或十下或五下一問令其氣舒不可一連一二百下致使氣壅悶斃盜犯一再不認難以用刑則吊板橈甚則以鐵鍊墊其膝看其大汗如注焦急難忍供可出矣過此以後

若再不供吐復又出汗認則認不認則取供難矣卽須看其光景緩緩放下不可亂動待其喘息既定然後收監此案須當細密訪察再行提訊不可任性恐有屈抑

吊犯不可與食

凡非大盜強賊板橈壓杠等件前言不可輕用矣蓋此等兇惡盜賊狡猾強徒以不扳同黨爲義俠以忍刑不屈爲英豪若非吊壓熬審實情難得或吊終日或至半夜正欲其疼痛難忍饑渴莫當之際具吐真情確供也旣已得之或未得供斷不可因其饑渴已甚生憐憫之心當堂給以飲食緣吊擰已久氣血已離本經多衆

州縣初仕小補

卷上

廿八 森寶閣印

於心胸之間遠進湯飯氣血必致壓滯未有不立刻死者必俟其喘息行動氣血流通然後收監再緩緩飲食方保無虞余在欽靈軍營曾經目矚故誌之以免誤傷性命也

服吃刑丸藥

凡命盜重案每獲到正兎於提訊時暗服藥丸一二枚間係蛔蛇胆配合任其吊打不覺痛苦恃此不肯吐實若看明果有此情切莫退堂緩緩展延俟其藥力已盡自必忍耐不住而實供矣要在臨時察看犯人情形酌量辦理非一概而論也然既有此弊不可不知亦不可不慎

傷毒命案

凡相驗命案若專控某人毆傷某人致死或某人用毒藥毒死某人似此係專指傷毒而言者誠恐尚有不實不盡之處也若呈控毆傷身死相驗時其傷甚重而有毒痕傷在致命要害即不毒亦必死也或控因毒斃命相驗時其毒尤烈又有傷痕而輕微不在致命部位卽不傷亦必死也其中必有情弊蓋傷重毒輕者乃傷後諒其必死親屬先已得賂私和置而不問仍用毒藥之以速其死捏指某人致斃擇肥而噬懦弱懼事者隱忍晦和強悍狡猾者正欲發其捏誣所以報案者出於不得已也又有受傷疼痛難忍

州縣初仕小補

卷上

廿九

森寶閣印

服毒而死者亦有既已受傷情急難度服毒而死者案情固有分別形狀自然不同其毒重傷輕者乃先已服毒自死故造偽傷誣指仇人毆死干証隣保人等無不串通一氣者亦無非希圖訛詐之計耳如此等命案既不可稍涉因循更不可心存玩視若不親詣相驗不惟傷毒之真偽難確抑且多事糾纏諸多掣肘相驗時務湏留神詳細審視加意體察傷之真偽重輕不難驗看了然其毒與傷之先後尤宜追究明晰與其追悔於事後何若謹慎於案前或用銀鉗探試或不用探試臨時酌奪若專指毒死驗明並無傷痕別故自應於堂單內判明銀探附卷字樣若傷而有毒毒而

州縣初仕小補

卷上

三十

森寶閣印

甲青黑有血水流出命探之有毒令觀者盡看回署嚴訊屍親問受傷何如供抬回請某醫調治服藥數劑不痊卽死了問服何藥供十數樣不知何名藥從何來供某墟某店問誰取之供死者並無妻子親人我是從堂兄弟在此服侍藥是我取問誰煎誰送與服供皆是我一人煎送又問近日有人來往看視否供無之余曰自受傷後取藥煎服皆是爾一人服侍并無他人耶供曰然余既如此其毒乃爾下之其人係爾毒死尙有何說乎語塞良久狡供不敢余曰爾供只爾一人毒非爾下尙復何人是推命笞之乃供是自服洋烟身死問何以知之供前一日伊親赴某墟買洋

烟二次隔一日卽死了余曰爾供受傷抬回焉能日行十數里赴墟買烟乎卽此已見虛妄是爾毒死尙何狡賴也再笞之供稱那日我燒碗內有未食完的烟渣許多其口中流出烟水問之不語是已能了自己服毒情真余問何爲服毒供族人因爭水之案不得直死者已染瘋疾多年族人諒其必死與之計曰爾早晚是死又不能入宗祠尙能自己服毒而死具控爭水被毆致命若官司得贏准入祠堂因此服毒屬我頂案是實反覆研訊矢口不移復傳隣保紳耆質訊咸供委無鬥毆情事因瘋疾服毒自死是真情始悟屍身塊塊青黑指甲出血者乃瘋毒發變故也案始定又有

州縣初仕小補

卷上

卅一 森寶關印

人在墟偷牛追逐毆之逃歸墟人指名控告未及批示其妻子喊控被某人毆傷身死詣驗屍身皆手足傷紅腫堅硬不在致命要審斷不致死也但指甲青黑余心疑焉屍親哭叫堅稱傷死並有鄉正監生某者從旁慇懃唆擺雖百辭解說反覆駁詰摠不聽余命探之實有毒口中銀探盡黑黃門中銀探上截色稍淡下截色亦黑惟下截中隔寸許白如故無毒問據仵作據稱腸斷而縮故也思之似覺有理用皂角水洗之對眾看明屍親俯首無詞研訊所以地保供稱據其子云死者前日偷猪被事主搜出當欲具控攔住今又偷牛誠恐到案受刑是以服洋烟拚一死希冀訛詐拖

累云復問其妻子皆無異言監生亦無詞可辯具結完案此二案原呈控告被毆受傷身死余皆判服毒身死銀探附卷取其真實也未敢故爲贅言特意表出者以見控告之誣並備將來考証云

暗記要言

凡坐堂間案遇兩造糾纏之事或互爭數目之多寡或推謂非己事或認而後悔或故意支吾一切虛情詐僞卽於堂單內人名下暗記要言數目一再盤問自必前後不符藉以隨時駁詰可免書辦舞弊訊完卽當堂判明其書辦所錄之供如有遺漏舛錯立刻更改另清點句按名勾斷判日發房庶免增減

州縣初仕小補

卷上

卅一 森寶關印

起解犯人

起解各項人犯必自坐堂先點營兵後點差役嚴切分付小心管解不可疎虞再提犯人順供用言安慰諭令解勘不可翻異若妄聽唆擺翻供發同時恐致追悔不及照例優給盤費冬則棉衣一件格外賞錢一二千文或數百文當堂給領起解自必感激無地撥兵護送

凡解勘命盜人犯並批解錢糧務湏照例移營撥兵護送仍酌派老成可靠家人管解優給盤費口糧不可聽信解護人等鬆刑放縱一有疎虞考成攸關不可不慎

### 清釐羈犯

凡監倉羈所保看各館新舊人犯令書辦將犯案事由收押日期開造清冊置之案頭按照報單隨時登記仍置造粉牌將人犯姓名填入掛於頭門外不時派人密查或催傳質訊完結或責或枷當堂開釋或令親族保領調處揔須設法議結開釋一名卽少一名結一案卽少一案不惟百姓免受拖累卽本官亦免日夜耽憂並可節省口糧之費豈非兩得其便

### 隣封相驗

凡應招解并等候部覆等犯若有病故必須請隣封相驗照例取

州縣初仕小補

卷上

卅三  
森寶閣印

詳辦隣封如有相驗此事者彼此函商酌量辦理不可拘定  
捐施棺木

監羈人犯故後多無親屬具領地保土工又不深埋屍無棺殮多

被虎犬殘食骸骨狼籍令人慘目心傷須宜叙小引首先倡捐並勸署中上下諸人隨意簽題大約此事多所樂從最易有成廣東木料頗賤三千文之棺卽可裝殮結實共計捐銀若干先造二三十具存之城隍廟或公所衙門均無不可遇有監羈人犯病故驗明後給棺木殮埋其有無名乞丐與夫無依孤貧死後無殮者經地保隣佑呈請亦准給發仍一面隨時遇便簽題以資接續如果

棺木用完酌量再造倘捐項有餘設法湊足成數發商生息以作經費一勞永逸雖所費無幾未始非積德之一端也

### 開報犯人

監羈犯人應照管收除在數目按日開單具報如人數少或隔一日亦可務須將新收某人名下註明案由其開除名下註明或開釋或點解或枷號或交保逐一聲註以便查考倘有患病者亦於單尾註明某人患病不可錯漏

### 交接之際嚴防監羈

監獄羈所責任綦重前已屢言之矣惟於新舊交接之際在舊任

州縣初仕小補

卷上

卅四  
森寶閣印

以不日卸事未免怠於檢點其家人輩亦遂相率因循散慢無稽此人情之常也在新任以前經接印諸未就緒家人差役人等觀望本官動靜作爲未肯踴躍任事互相推諉當此之際犯人則乘機竊發每有脫逃之虞初赴新任預先派定管監羈家人令其詢問一切情形查明共有犯人若干察看房屋有無損壞何處應修刑具是否齊全堅固或添補或置造逐一稟明一經接事卽應趕格外謹慎風雷兩夜尤爲吃緊不可稍事懈忽如卸事有期卽應諭令管獄官隨時稽查並嚴飭家人日則小心看守夜則輪流守

更梭織巡查毋得片刻疎懈壁間吊掛席片草帽衣被之類恐挖牆洞用此掩掩地鋪活板下亦可挖空潛逃稍不留意誤事不小至於犯屬送柴送米以及衣物包裹等項務須嚴加搜檢恐夾帶刀鉗器具不可不防迨交卸後點驗清楚則脫然無累矣余屢見於此時逃脫人犯者故特誌之以誠小心云

遞解軍犯

凡遞解過境軍流犯人務須驗看赭衣刑具是否齊全長批公文牌票等件是否完備親提犯人訊問年貌籍貫并看兩手箕斗是否符合設有錯謬一面將犯人先行收監一面將如何不符碍難

州縣初仕小補

卷上

卅五

恭賀開印

轉解之處備文逐一聲敘或仍解回原來上站或移查覆回再爲轉遞斷不可草率含糊若別項均無不符只赭衣刑具不全卽補製轉解於公文內註明免致遲延其外省遣發分配各縣軍犯到境亦應訊問驗看果無舛錯酌量發交典史或巡檢衙門設法安置加意管束取具收管存案仍嚴飭務須安分守法不可滋生事端倘有逃脫情弊卽係該員等責任切毋疎縱爲要

婚姻不斷離

凡有婚姻之事前已媒定以後或因貧富不等或因互相離亂或本夫久出未歸或婦女卒被賊掠或遇施橫淫污皆出於無可如

何務湏原情解釋婉勸成就不可遽予斷離又或婦女平常不守婦道夫家執意不要亦必設法妥勸或令母家領回管教限期送回婉勸仍令完聚天下之事何所不有偶有借屍還魂之事更難辨其眞偽亦惟斷以軀而不斷以魂蓋軀有據而魂無憑耳若斷以魂則情弊百出矣似此幻妄之事固所罕有然嘗於雜書中每見之憶及故特記之

親誼莫打

姻族結訟不可輕易笞打緣小忿互許旣分曲直便利輸贏一子責懲轉成畔隙蓄怨於心往往遂生後患所當於執法之時兼寓

州縣初仕小補

卷上

卅六

恭賀開印

篤親之意將應打不打之故明白宣諭使之翻然自悟知懼且一紙遵依勝公庭百打矣

串票查清

開徵後所有串票用印時務必按號數清倘有重號或多一二張卽是弊端應卽責懲不可輕恕每張票規若干各處情形不同亦有無者湏訪察確實不可受其朦混

徵收錢糧

催徵錢糧弊端最多難以枚舉各處情形不同書吏之朦蔽糧差之賣放及串通劣紳兜收侵吞種種情弊尤宜嚴防

安設糧站

地方大小不同情形亦自有別應徵錢糧有分設糧站徵收者亦有無者有者則以里書糧差數人駐站隨時徵解另派子姪或親朋一人督理其事須知其人平素安分老誠可靠方可信任切囑其循例催輸所到之處住屋床板飲食一切當思不過一宿一飯

諸凡可以將就者忍耐之切毋求全責備致差役人等藉詞捉雞

擎鴨或要酒肉或討油米任意需索搔擾不休更不可聽其妄指嚇禁鄉愚鎖帶欠戶恐滋事端蓋若輩狐假虎威該處倘相待不遂所欲卽稟其白契未印隱稅瞞糧或積欠銀米若干冀洩私忿

州縣初仕小補

卷上

卅七 森贊開印

若相待稍優雖實有其事不問也此等事件不惟在站者不宜輕率收受卽到縣中亦湏飭房查明從前曾否有案銀米是否積欠詳查屬實始可准行否則恐墜彼術中百姓受累無窮因時制宜謹慎爲要常見糧站以小事而激成大事者往往有之不可不慎特誌之以申諒勉

起解錢糧

徵收錢糧一有成數卽行批解何也一則存之署中恐有意外之虞二則免委員催提多耗費用

錢糧稅契減價

錢糧稅契乃州縣之重務其一切用度上下應酬亦全賴此爲大宗如前任於交卸時減價徵收印稅俗名放炮倘有此事更須斟酌若徵收較多自可查明多徵數目具稟存案何則恐我徵不足額遂獲咎也若向來如此一時未能挽回不能不循舊辦理免生事端

稅契大頭小尾

凡稅契有將契紙先行印發存案紅簿內空留假如契紙價銀一百兩只填一十兩即使調驗紅簿急切亦難查出名曰大頭小尾此弊不可不防辦理固宜斟酌不可過於拘執新舊任交替前任

州縣初仕小補

卷上

卅八

森贊開印

請讓幾日交印者多因爲此各處情形不同不可不知  
包徵包解

州縣地丁錢糧稅契稅羨等項銀兩係書差包徵包解由來已久向章如此者自可循舊照辦不可以事權在外不由官作主擅行更改何則糧冊底簿盡在書差手中倘一更易追繳斷難齊全一時又不能查明勢必徵收虧額追悔莫及惟有無論何項何款比到應解之時務必逼令隨時解清不准任意遷延至於交卸之際速爲查明共有徵存若干催令趕緊批解清楚否則連解費一切盡數繳送內署帶省解兌不准分厘帶欠迨諸事清結之後方可

起程該書差等若云將各項公文批件先爲辦妥請官先行回省銀項隨後即到不敢遲誤云云斷斷不可輕信蓋若輩居心公正有天理人心者固不乏人而生性狡詐惟利是圖者亦復不少官一卸事呼喚不靈况官離此地則益無忌憚焉能如期解消輕則挨延無時重則席捲逃匿後任以事不切己不肯實力催比卽偶爾催之彼等輒藉詞搪塞仍無裨益必致受累無窮故慎之於始爲妥也

各營兵米

到任後各營兵米開明前任如何支發有無積欠作何歸結廣東州縣初仕小補

卷上

廿九 森寶圖印

多有因欠兵米於交卸後攔阻不准行李官眷出城關事者此後或按季按月照數支解不可挨前等後以示體恤

書院膏火

書院肄業生童膏火開明由何項支發是否足用務宜留心按照舊章給發不可愆期致滋物議倘若不敷從緩與紳士商議設法湊辦發商生息以垂永久此事紳士最樂爲辦理

各廟祭祀

春秋各廟祭祀或交學官辦理或是禮房承辦應發銀兩及各項人役工食亦必問明前任如何支發方可支給不可受其朦混

孤貧口糧

各廟燈油城門兵丁年節賞犒務須照舊給發其孤貧口糧育嬰堂經費尤當按期支給不可過遲短少此輩窮人更宜格外體恤

接收倉穀

倉廩所存穀石倉書人等積弊甚多宜細加體訪不可稍爲含糊草率接收若不認真盤查交卸時後任刁難勒捐受累無窮

地方情形

到任後將地方境界與何處接壤何處緊要山川地輿何爲要害如何布置本境賊盜如何巡緝外來匪徒如何堵截或何利可興

州縣初仕小補

卷上

四十 森寶圖印

何弊可除所有一切情形一一詳細通稟雖係故套然亦湏循舊辦理如應整頓之處不妨自抒己見條陳大府以備採擇

禁演淫戲

粵俗各廟最尙演戲酬神相沿成風遠難禁革但多以淫奔脂粉之劇爲快不惟褻瀆神明而婦女衆觀於世道人心大有關係凡遇各廟演戲宜先期出示禁演淫戲以維風化

州縣初仕小補卷上終

州縣初仕小補總目

卷下

恭祝 萬壽

宣講 聖諭

拜廟行香

勉勵清操

勸勉巡典

勤慎爲官

旌表節孝

州縣初仕小補

卷下 目錄

幕寶關印

州縣初仕小補

卷下 目錄

幕寶關印

會審案件委員

科歲考試

學台按試

嚴懲兇橫

印刷縣誌

研讀律例

看洗冤錄

修造房屋

修理監羈

州縣初仕小補

卷下 目錄

幕寶關印

公事循舊

鹽當規禮

不問規禮

裁規宜酌

紳士優劣

勸民息訟

禁止藉命抄搶

遇事戒急躁

大案請示核辦

應酬委員

勘案不當場出斷  
在鄉訊案

公事從權

內外關防

差稟抗傳

不收供應

驛站事務

勘案不當場出斷

滋潤衙門  
巡典交接  
祈求雨澤  
和睦武營  
團練保甲  
育嬰堂  
水旱偏災  
穀米出境  
公項生息

州縣初仕小補

卷下 目錄

三

森寶閣印

用得其人  
帳房交易  
親信管賬  
道府節壽  
稟見上司  
接待上官  
交結武營  
戒慎火燭  
無名揭帖  
州縣初仕小補

附 擇錄律例

各節酒席  
擇用家人  
家人陋規  
上薦家人  
奴婢宜寬  
製辦丸藥

京官打抽豐  
題捐廟宇  
交盤事宜

州縣初仕小補

卷下 目錄

四

森寶閣印

交盤印結照前任辦  
盤查倉穀  
前官衙門  
上行公文  
安置官親  
子弟讀書  
在省候補

治損傷藥方

州縣初仕小補卷下

山左褚 球子舒著

恭祝 聖壽

每恭逢

聖壽 聖節冬至元旦令節於五更後卽赴

聖壽宮候同城各官到齊行禮務於天未大明以前禮畢以昭誠敬預先備辦酒麪同衆吃壽麪少叙回衙春秋祭祀查照向章辦理亦宜天未大明禮畢共列聖各廟行香均宜早不宜晚庶免懶惰不能起早之譏

州縣初仕小補

卷下

纂輯印

宣講 聖諭

每達朔望宜在城廂廟宇大鄉大村墟市各處宣講

聖諭使紳士商民人等咸知法則禮儀

拜廟行香

朔望拜廟行香每有因拜墊之高下兩相爭鬭者緣武員自以爲官階比我稍大卽應居我之上殊不知主祭乃地方官之專任也總之原爲拜神何必拘泥湏當權宜從事不可因小失大致傷和氣

勉勵清操

爲官清慎勤三字惟清字爲最要凡判斷一切詞訟事不可稍存私心貪圖賄賂一經得賄則是非頗倒屈者則傾家蕩產以圖逞其忿恨直者受屈莫伸勢必抱怨走險上控設若得直則原辦之不公顯然敗露上憲必致申飭倘仍照縣案而不直之則受屈愈甚輕則翻控不休施累無窮重則自尋短見輕生斃命於心能無愧乎且本官一人得賄則紳士從而挾制親友子侄輩因而招搖家人譽差莫不藉端索詐致爾聲名狼籍爲害可勝言哉若清操自勵中心坦然毫無成見庶判断平允公生明之謂確乎不易

勸勉巡典

州縣初仕小補

卷下

二

蘇寶齋印

巡檢典史各有專責循分供職者固不乏人而不知大體不顧局面者亦屬常有余在任時常誠之曰凡地方公事湏將公事看重私事看輕不論事之與己有益無益務當竭力辦理總期事歸平允使百姓悅服民情自然愛戴稱譽上憲具有耳目賞罰定有權衡以之調劑優缺或卓異升補豈不愈於貪婪聲名狼籍乎當知利之一字對面即是害字能將利害兩字辨明卽無大過矣矣

勤慎爲官

州縣任重事繁初入仕途者雖學問優長並有奇才卓識但事未曾經未免茫無措手必當躬親勤慎閱歷方能得其底蘊艱難也

惟一縣之事何所不有承上接下催科撫字審理詞訟應酬僚屬煩雜不一所不能預料者更難枚舉若不勤力以經理之未免掛一漏萬若非慎思以篤畫之必致錯誤百出是勤慎之中尚恐錯漏不免况不勤慎乎其學問才識稍次者尤應振刷精神不論事務之大小繁難不避跋涉道路之險阻事無鉅細嫌怨不計件件經手事事留意閱歷既久經見良多庶幾水到渠成得心應手辦理莫不裕如所謂勤能補拙慎可寡過可不信哉

旌表節孝

訪察境內歷年以來有無被難將士殉節貞女烈婦以及苦節完

州縣初仕小補

卷下

三

蘇寶齋印

旌表貞婦著名孝子順孫如有未經具報者卽會同學官協同紳士認真確查如果名實無虧與例相符合取具各項冊結詳請紳耆各設義學聘請品學兼優之人教讀若師生俱能勤奮由官酌量獎賞以示鼓勵未始非教化之一端也

刁生劣監

貢監生員每多包攬詞訟半空插入扛帮訟事如果到案不可輕易責打卽或逞才頂撞亦不可認真發怒卽交號房看守速將可惡之處及平日惡跡據實聲敘詳請斥革功名奉到批示然後用

刑懲辦始無後患

差稟抗傳

差役下鄉回稟抗傳毀票毆差拒捕等事未可輕信粵東人情獵悍似此亦偶或有之其藉票任意勒索妄擎無辜以致衆人不平互相毆辱尤在所不免該差等見事情重大恐稟官先被究詰卽自毀簽票扯碎衣服並造僞傷以民情強橫面陳於官詭謂目無官法未有不色然駭而勃然怒者緣官未見民而信役故氣易激役不得逞志於民作爲可憐之狀牒稟以求直也須思毆差拒捕人皆盡知有罪若爲贍梟刦盜犯罪一獲無赦是以拒捕而求倅

州縣初仕小補

卷下

四

森寶閣印

脫如催賦傳訊民本無罪何致抗傳拒捕偏聽輕信一役得志羣役效尤百姓受害無窮當役票時平心熟察則粧點之弊自然流露姑將原票存銷止以應辦之事改差及其人到事結告以毀票拒捕毆差之罪並所以不卽辦之故庶民知愛畏差亦不敢再萌故技

內外關防

衙門人多一切關防不可不慎若家人串通索詐或招搖生事或朦混舞弊等事一經訪聞或被告發立予從嚴懲辦斷不可稍涉姑息致釀事端其頭餓各門定准一交三更卽皆上鎖鎖匙交上

出其不意查點一次則誰敢誰不肖自然明白自己之關防尤宜嚴切

不收供應

凡遇會勘相驗案件在官以爲苦事而家人書差人等莫不視爲利藪惟當正己率人自備夫馬兩造供應概不收受書差人等亦嚴禁需索滋擾以恤民艱免滋物議

驛站事務

驛站遞送文報若係衝途必湏派人專理無論何項公文務湏隨到隨遞不可挨前等後排單夾板更不容片刻遲延所用之項均

州縣初仕小補

卷下

五

森寶閣印

准開銷有例可循萬勿吝惜小費而誤大事

公事從權

地方官一縣之事無不應辦者也凡有公事自應循照舊章例案辦理惟有不能拘泥例案者卽如沿海之區設如外國洋船遭風吹至境內船壞遭事被難商民求給衣食資送回國敢云非我地方百姓推之不管乎又陸路地方並非衝途要區向無額設驛站並不遞送奏摺夾板公文設遇外處有事或隣封阻隔改由本境轉遞敢云非驛站大路談之不理乎諸如此類要湏因時制宜相機辦理固不可一概拘泥更不可分外鋪張總求不卽不離期於

公事無誤免獲咎戾

勘案不當場出斷

凡下鄉勘驗田園地畝或河道水渠墳墓山林等事勘明後卽諭令繪圖註說回衙訊斷當場不可遽加斷語說誰是誰非恐兩造

人衆一見彼勝我負哄堂大鬧激出大事難以收拾不可不慎

在鄉說案

在鄉徵收錢糧或駐工督修等事與朝夕在衙者不同若遇喊冤及白稟事件不能責以違式自可隨時批發若兩造到齊即便帶說可了卽了否則交鄉族老調處或帶縣說結因時制宜不可預

州縣初仕小補

卷下

六

森寶閣印

定

應酬委員

到省未久卽飭赴新任之員未曾在省候補不知候補况味凡上司委員到縣卽着家人預備公館棹椅床板齊全路途辛苦到後作飯不及卽備辦便飯以後或供給或折送聽其自便另日親往拜候並辦酒席相請公事商辦在老於官場者自必無甚挑剔若甫經當差多事之人任意需索每多不足者酌量而爲應酬所費無幾不可因小失大况今日之委員卽異日之地方官今日之地方官卽他日之委員總宜看破不必拘執事完後辦給回文量事

之大小交情厚薄送給程儀或船或夫如數照料使彼無疵可挑無言可說設有過往同寅亦湏殷勤照料應酬恐稍有不周則布散流言無從分辯是成事不足壞事有餘不可不慎

會審案件委員

道府並省城委員到縣會審案件如果能先傳原被人等到齊開誠勸導使之速爲完結免致將來掣肘爲難審結一兩起候委員到時會銜稟報庶公事易辦仍將未結各案比差嚴催會審俾免遲延於坐堂時無論官之大小均應待以賓禮延之上坐執筆點名判斷在明白者自必謙遜不肯隨命帶某人說問隨時商問伊

州縣初仕小補

卷下

七

森寶閣印

必無疑彼乃專辦此事之人或完結或添傳何人或急切不能完結欲將報明押候之人先行保釋以免拖累每事必商必問不惟委員悅服兩造見如此和睦不敢居奇勒捐完結較易審判後或請委員硃判若自判將供同送與閱看稿則請其畫行如不合意不妨更改另辦以妥爲是凡審案委員留居衙門爲便一則調查容易二則早晚可以相見面商與幕友亦得常會於公事有裨仍按日送給火食暇則前往敘談以見親近諸事更宜請教謙和爲貴若各案辦結可以回省銷差務必挽留多住幾日備酒饌行於舊章程儀之外另酌送菲敬以表情誼而敦寅好臨時酌量辦理

不必拘定

科歲考試

科歲考試各處情形不同有山學官送考點名屬試者有不令教官預聞竟赴禮房買卷赴試頭二兩場並不點名者明知有違定例但相沿已久莫若循舊辦理期於安靜似不可輕易擅改致有生事之虞

學台按試

伺候學台考試以及應付過往差使均有一定舊章總須循舊照辦固不可希圖僥幸轉致多費更不可擅自加增遺累後任要在

州縣初仕小補

卷下

八

森寶閣印

因時制宜不卽不離以求無誤

嚴懲兇橫

凡相對相當之訟可以情恕可以理諭者權變辦理爲是如犯者實係兇橫或倚貧擾富或撥草尋蛇或恃尊凌卑捕風捉影相從曲宥則慘鑿難填爲之族姻者必致害無底止遇此種人必須盡法痛懲卽老病或婦女亦當究其抱告使之親不可恃虛不可干

庶幾強暴悔心善良安業

印刷縣誌

既滿任是邑各處之山川人物貢賦土產村莊鎮墟祠廟橋梁關

津渡口四址界限宜詳細觀覽卽令書辦印刷縣誌逐一披閱其形勢之夷險通塞租庸之多寡輕重戶口之盛衰秘密咸有所稽矣兵燹之後多有板片無存者宜如何設法重修與紳士籌商辦理倘辦理爲難卽倩人照抄一部存查亦可

研讀律例

州縣專理民事所有命盜姦拐鬥毆各案勢所必有均應查照例案核辦雖有幕友相助爲理僅能帮內裏文案不能帮坐堂酬應凡刑錢律例各書應時常研讀細心默記俾得稍知大概節目於臨事判斷一切事務有所依傍案情不致離經詬言不致生濫凡

州縣初仕小補

卷下

九

森寶閣印

事稍有參差不惟被人譏諭抑且落一時笑柄不可不慎

看洗冤錄

洗冤錄乃州縣官必不可少之書應時常翻閱余屢試屢驗前人之立法實千古不易擇要默記俾有遵循又書尾有七厘散成方應照配一二料存之署中遇駁生傷卽敷傷處並食少許更見神妙

修造房屋

衙署房屋設有倒塌只可照舊修復藉資辦公樓宇不可額外添造務極華麗更不可擅改舊制挪前移後恐有望磈

修理監羈

監倉羈所最關緊要必須着人時常查看一有倒塌破損卽隨時修理斷不可遲延因循吝惜小費設有疎虞所關匪輕必致追悔無及此事更宜留意勿以細微而忽之

公事循舊

衙門各事向有舊規各房書辦各班人役亦皆各有規程非有十分大不可行之事不可擅自更改相安已久恐一動卽有不便之處反是畫蛇添足徒落後人話柄

鹽當規禮

州縣初仕小補

卷下

十

纂賈圖印

到任時各屬鹽當皆有到任規禮若係向章不可不要至於燒鍋炭場鐵廠亦各有規禮例並防其隱瞞倘推諉不送卽着城房差役催問或托巡典轉催恐一次不交卽成爲例落後任之怨

不問規禮

凡有一切規禮不可無故遽然間起必然辦到此件公事方可查

問如此依漸而來免啓外人以此官只知要錢之謂

裁規宜酌

各項陋規自應裁除然向來如此非我創始者也但爲官者升斗之祿有限而應酬之費無窮盡行裁革固屬美事惟冰蘖之需後

此者難乎爲繼也且逮予更章不惟於事無裨必致上下欺謊官雖裁而書役人等仍然不裁豈非徒落後人話柄乎總之諸事率山舊章爲是惟人各有志時勢不同要在臨時酌量而爲之未可一律拘定也

紳士優劣

州縣爲親民之官大抵百姓之良莠易治紳衿之優劣難分若概行政遠地方情形不熟諮詢無從全行往來劣紳鬼蜮難防必湏訪察公正者何人邪曲者何人奸猾好訟者何人唆擺架訟者何人如公正者見時假以禮貌使彼自愛倘遇有事尙可公同商議

州縣初仕小補

卷下

十一

纂賈圖印

邪曲者先行拒絕如必請見晤而卽正嚴其聲色使有懼心不敢再行往來奸猾好訟者伊不訟則已訟則必使其終凶使有戒心不敢再起訟端唆擺架訟者時常出票嚴拏使其望風逃避否則歛跡安居如此辦理地方庶可少事

勸民息訟

地方官聽訟最爲難事縱能聽訟不能使民無訟欲民無訟莫如勸民息訟息訟之要貴在平情其次在忍以情而論在彼未必全非在我未必全是況無深仇積怨胡爲希勝爭強我之所欲勝豈彼之所肯負乎以此平情其忿消矣而何有於訟以忍而言彼爲

橫逆從旁自有公論何損於我或有挑唆無如忍氣讓入便宜自在彼卽受辱我豈不費錢乎以此爲忍其忿息矣應訪察地方情形剗切勸諭凡有戶婚田土錢債細故及口角微嫌斷不可妄聽訟師並不安本分之刁生劣監唆擺輒起訟端以致兩敗俱傷

### 禁止藉命抄搶

凡人命重案自有官法究治照例按辦屍親等豈得統衆滋擾藉端抄搶乃有一等地方惡習或屍主與兇家共村而居或隔庄而處並有姻親以女在夫家身故一經得信輒捏言每常受其凌辱身死不明男女多人前往哭叫鬨罵其不肖子弟無賴親屬勾率州縣初仕小補

卷下

### 十二

森寶閣印

多人男女混雜持械蜂擁衝入內室服飾器具搶掠一空戶壁門窗盡行打碎甚至鎖掌老幼燒拷勒贖凌虐婦女褫衣無狀而被搶之家族衆人等眼見不平亦糾集無賴藉詞報復互相抄搶彼此鬥毆慘毒甚於寇盜似此藉命居奇任意抄搶尙復成何政體訪察如有此風卽出示嚴行禁止倘敢故違卽照光棍搶詐例從嚴按辦余任陽山縣時前任有以女死兩家互相抄搶者經鄭鎮軍查辦土匪擊獲爲首各犯正法十餘人余交保及監斃十餘人兩家本皆富饒經此竟敗塗地可慘之至

### 遇事戒急躁

凡遇掣肘公事難以遽辦者湏平心靜氣忍耐緩圖斷不可任性躁急設有在籍紳宦求講情面干預公事或倚勢藉威迫令照辦稍拂所欲卽欺凌無狀似此乃有所挾而求也惟當以正理解慰婉言辭却量事之輕重酌奪回答不可躁急動怒干犯怨串通滋擾或怨憤上控或在上官前捏造黑白暗中陷害俱不可不防刁生劣監公庭無禮或放肆咆哮亦宜隱忍不可與之辯論倘躁急發怒偶一言之失則彼有所藉口待其兇厲之氣漸消徐徐詰問使其理窮辭竭然後設法詳革功名照例懲辦不致有偏執決裂之虞追悔無及也然此等事言之似易行之實難人各有性當非理相加之時

### 州縣初仕小補

卷下

### 十三

森寶閣印

隱忍實不容易前人之書每有誠居官躁急惟臨事堅持此心不可搖動庶幾乎近之余有是病特誌之

### 大案請示辦理

刁生劣監爛衿豪棍有霸收錢糧架唆械鬥關係重大之事若能設法辦理妥善固妙倘事有爲難動多掣肘稍爲遲疑恐激成大事即先見本道府將一切情形詳細稟明請示如何辦法請其轉稟一面妥爲籌畫相機而動免致辦理不善之咎

凡有猝然藉端聚衆滋鬧衙門之事斷乎不可懼避若肇烏合之

### 滋鬧衙門

衆見本官不敢出面必然鬧進內署則事不堪問矣莫若衣冠出席大堂用好言解散倘有挾求則量事之可否或藉以散後始准或云必得公稟方可一將人名取出再爲設法辦理當時人衆不可與之較辨如果已散尙有數人曉曉或藉詞發揮或當堂擎抑或嚇以嚴辦總湏因時制宜隨機酌奪示以鎮靜免釁事端

巡典交結

巡檢典史間或因親朋有訟案多求門印代懇批發又請幕友照拂此等事件要自己作主酌量事之可否即使幕友礙於情面或有批准盡可自行改批如此三二次使彼等著擎不定漸可杜絕

州縣初仕小補

卷下

十四

恭賀開印

州縣與民最爲親切休戚相關食爲民天遇有雨澤愆期卽邀請紳士學官武營會商求雨水潦亦然議定後卽出示禁屠設壇祈禱固關天時未必便應旣爲民牧若虔誠拜禱感召天和亦未可定否則亦不能不稍盡人事以安民心

和睦武營

同城武營尤宜和睦緣大小武官或起自行伍或由軍營保舉惟恐人白眼相視大抵皆然如接見時畧施謙恭假以辭色禮貌伊必喜悅或月中具酌相請或遇事請陪或偶留便飯至年節如尙

有饋遺照章致送遇有緩急亦不妨酌量通融推誠相交自必心悅誠服庶幾和衷共濟與公有益余兩任陽山縣武弁數員臨別時無不拭淚者皆以此也

團練保甲

清查保甲團練鄉勇實弭盜之良策固守閭閻之善法也然辦理妥善誠非易易若粵東省分以地勢而論瀕海之區甚多港汊紛歧四通八達最易藏奸雖於各要隘處所設有巡兵防勇奈崎零浦港可通之處難以枚舉此擎彼竄防不勝防誠難偏處設備也以賊情而論所駕之船名曰長龍狹細而長可容三四十人其行

州縣初仕小補

卷下

十五

恭賀開印

如箭頭刻百里兵船所不能到者彼竟駕駛無礙卽如省會並廣屬各處多有保甲局團練局爲之清查戶口給發門牌以杜容隱匿徒之弊輪流查夜分段守更以防賊盜偷竊之虞防範可謂嚴密極矣於陸路地方雖有裨益乃僅能防之於土匪不能禦之於外賊外來之賊駕駛長龍三隻陸續乘齊潛踪混跡於謀搶之處如何進如何退密約定或突如其来或乘機竊發千方百計難以預料一擁而進事主莫知所措洋鎗炮械無不俱備如有喊捕卽被捆縛刀押頸項不敢出聲路口巷口各有賊夥把截街坊隣佑莫敢聲張頭刻之間腰斬肩負挑擡手摶呼哨而散約於泊

處取齊滿載開駛迨至國保各局聞知傳齊兵勇比至失事之處賊匪早已遠颺矣既無用容隱之人更無湏窩藏之家此乃賊匪所供實情非練保各局所能爲力者也又賊人搶此縣之財物赴彼縣之密處分賊一時難以購緝此又官弁兵勇獲犯不易之實情也茲特指省會及附近大縣大鎮墟埠各處有官紳籌畫經費商賈捐助銀錢者而言各有募勇數十名日則沿街彈壓晚則巡防查夜似此者徒藉之以壯聲威則可若恃之以拒賊盜則不能而媚堵各館苦澀現費繁於額賦不堪其擾此乃有保甲局有經費有勇丁之實在情形也其省外各州縣屢奉嚴檄辦理團練保

州縣初仕小補

卷下

十六

森寶閣印

甲皆知爲保守閭閻之良策地方官傳齊紳耆諭令設法籌辦雖則三令五申率皆含糊答應催之再四終無成議緣有巨紳豪富既懼賠累又憚招尤與其任勞任怨不若推諉不前其有情願出首者頗多從中染指之人平虧不爲衆人推服已存觀望之念兼之先以籌辦經費或按田產之多寡生意之大小酌量派收爲要務更寒農商之本心是以議論多而成功少迨至催迫不過商議作何辦法則云如無經費實難措手約計在某處設總局某處設分局總局首事幾人分局首事幾人辦雜事幾人收經費幾人日開飯幾桌每局壯勇若干名帶勇武弁勇丁口糧若干每月湏

州縣初仕小補

卷下

十七

森寶閣印

有裨益但是揆其本心並非實意從公不過虛應故事貪目前之小利日間之口食以圖塞責耳況人心不一此從彼違勢難一律辦成雖然如此惟 大憲愛民心切嚴檄頻仍曷敢遽爲中止不能不竭力籌辦復傳集紳耆婉言勸導曉以大義開誠布公諄諄切囑彼見勢在必行咸云無費舉辦實難請先借銀二三百兩作爲經費容後籌還地方官勢不容已卽首先捐錢數百千以爲之倡復製給旛幟號衣等件冀其相率遵行紳士踴躍樂輸各鄉畫一照辦以成善舉奈城內首事人等一見經費有着精神倍發卽時擇地設總局招壯勇刻門牌不數日而達成雖則目前虛設尙

冀各處一律辦理一面由官發告示並令總局專函知會仿照籌辦竟皆置若罔聞地方官親赴各處督令速辦紳耆咸恭惟曰老父母係爲保護地方起見自當遵行曷敢違延虛爲應承而已官見其支吾必得辦成方肯他往彼卽於廟堂空宅或閒鋪公地粘一團練保甲公所每日糾約數人僞作辦事之狀諭令地保按三

二家出人一名赴公所團練或伙夫打雜或學徒小夥應酬數目

官不能久待前脚去而隨後散矣既到他處如出一轍仍復不能

如願追回縣後總局諸事未集而經費已無幾矣再請借發欲借

實力有未逮難填無底之壑不借則渙然星散前功盡棄問其所

州縣初仕小補

卷下

十八

蘇寶闈印

以咸稱不准派收經費富紳商賈又不肯捐助官府那有如許賠  
墊在首事尙可自備資斧卽回家吃飲均無不可其餘皆貧苦之人實難枵腹從公出於無可如何揆厥所由未爲盡屬無理且係實在情形中心焦急筆難言喻復思此事地方官非不欲辦成第其勢爲難况恐徒飽紳士之囊腹百姓受苛歛之大患仍屬虛應故事毫無裨益欲其置而不問誠忍有違憲章必干咎戾反復思維進退維谷惟有徒喚奈何而已余賦性愚蠢一事無能謬膺兩署陽山縣又署電白縣奉檄籌辦前事皆如此棘手爲難自慚德薄才疏未能治合輿情致爾辦理未能裕如更愧點金乏術莫獲

獨力募勇隨地保護閭閻幸賴數年以來閩省安靖藉以藏拙惟是團練保甲莫不知爲安戢閭閻之善法無如粵東人心浮動惟利是趨欲求不苟歛不擾民期於辦理妥善庶地方有裨與幕友再四商確鮮有良圖余鄙陋無學特述所辦爲難情形以待高才卓識君子自能通權達變辦理盡善盡美

育嬰堂

育嬰堂之設原爲仰體天地好生之德收養嬰兒以救生命誠善舉也無如各處缺分優瘠之不同地方貧富之不一或向來未設或因無費中止每多有名無實以致貧窮之家因娘於養贍富饒

州縣初仕小補

卷下

十九

蘇寶闘印

之戶咨於嫁資將初生女嬰瀉之以死沿爲故事習不爲怪傷天害理莫此爲甚爲地方官者莫不切齒無不欲舉辦育嬰堂也上憲關切民瘼嚴札催行亦無不欲各處皆有也若舊有房屋墓址修葺補造尙覺易爲惟常年用費難乎爲繼如從始創造更屬爲難何則一則非有巨款生息並有公產收租不能源源永久二則非有公正紳士任勞任怨實心經理不足服衆卽此二端已大不容易也地方官雖欲舉辦首先倡捐竭力勸助以期集腋成裘然非數年不能有成敷發尚生息以便陸續籌畫奈實缺者三年二年署事者一年半載甫經辦有端倪經費尙未湊集而瓜代之人

至矣一經卸事後任廉明公正者接而踵之猶可希冀將來否則以辦公不資借以應急紳士卽藉詞學宮廟宇書院街道之類東聞西支蕩然一空前任數年精力心血一旦化爲烏有再繼者既未肯力加整頓紳士因而瓦解互相推諉莫可如何此歷年難辦之實情倘出類拔萃之士能設法辦成功德實無量焉或曰既知如此爲難又何必多贅也曰係地方官應辦之事果否舉行能辦成在當事者度德量力斟酌而爲之盡心焉而已各處情形不同相機辦理可耳義倉之事與此相同因併及之

### 水旱偏灾

州縣初仕小補

卷下

二十 案發關印

境內凡遇水旱偏灾及風雷地震各異災一經報案卽問明有無傷斃人口或已死若干名口酌量事之大小輕重速爲攜帶銀兩前往察勘擇其甚者優恤之勿使流離失所隨查明地方若干房屋若干戶口若干損傷牲畜若干逐一開造細冊存查庶免串通捏造以少報多之弊確知是否成灾可否必須賑濟斟酌妥善稟明核辦似此事件若非親詣勘驗察訪確實設奉上憲詰問回答含糊難免疑有弊竇轉多掣肘或委員查稟必致互相矛盾其查辦不實之咎難以分辨固非常有之事然不可不知更不可不慎

穀米出境

地方偶遇旱潦收成歉薄糧米昂貴民食維艱或本地豐稔而隣封歉收以本境穀米價廉商販往來貿遷以圖蠅頭之利此人情時勢之常也紳耆每以穀米出境甚多恐不敷本地之用與民大有不便公具稟呈請示嚴禁不准穀米出境等情在彼等以爲地方公事爲百姓起見詞正理順在必行之此等事體要宜斟酌而行不可造次輕准蓋禁止穀米出境者爲防出洋與賊營接濟賊盜也若本境遠近之商賈販運本地之穀米售與隣封之百姓正可賴其接濟財賦流通裕商便民均有裨益禁止何爲試思之爲公平爲私乎且紳衿實心爲地方者固不乏人而假公濟私亦復

州縣初仕小補

卷下

廿一 案發關印

不少若遽行示禁恐外處之商賈本地之小販俱裹足不前而鄉村之少戶僻壤之弱族皆不敢耀賣窮民受累益深豈歉廩定更安知遠近商販不有運穀米來本地之時也况告示一出未有不滋鬧而多事者何則鄰封必以百姓嗷嗷接濟斷絕恐生事端以見誚讓上憲更以大局攸關嚴札飭行令卽弛禁以甦民命而惡衿刁棍藉端把持差役爛匪攔截訛索或以赴墟耀賣或以由墟買回不問是非硬被捏詞搶奪人情惶惶紛紛控訴紳衿稟呈滋擾不休重輕爲難無所措手更有不仁之紳富武斷之惡豪陽則糾約具稟以請禁陰則乘價高而耀賣甚至合夥販運圖利彼性

強橫恃符恣志他人何敢預問設有攔止則先發抵制糾集族衆咸謂公產存穀欲賣修宗祠捏報搶案以挾制官長雖明知其奸僞緣人多難辦又內外串通誠恐別生枝節轉致掣肘其互相勾結上下欺蒙譸張爲幻莫可思議與其追悔於事後莫若慎思於目前紳耆若來親見惟宜婉言以却含糊答應諭以從緩商酌辦理示以鎮靜所有稟呈暫緩批發不動聲色察看情形臨時權變相機而行彼見官無所事自然漸漸平靖不致拖累百姓多生是非也倘遽准所請不惟刁風日熾抑且滋擾煩瑣地方從此多事矣要在因時制宜見機而作不可一概拘定庶免生事在當時不

州縣初仕小補

卷下

廿二

禁賈關印

過尋常一告示有何難辦不知內中竊礙甚多余歷任各縣皆經親歷其掣肘情形難以言喻故誌之

公項生息

州縣紳商所存公項生息銀兩無論多少不可輕易提用緣此項公款皆因有事公捐生息以作義舉善事者也一經提用則將立法初意廢棄義舉善事一朝斷絕豈非招怨之道每見交卸時紳耆追償商民遮道攏輿綽呼甚至截留行李不准行走滋鬧不休不惟當時出醜抑且落後人譏誚不可不慎

無名揭帖

凡各處無名揭帖或言官府之長短或言詞訟之是非或訴訟差之弊端或言某爲強盜某爲窩家或言某處私和人命或謂某人兇惡諸如此類非在各處徧貼卽於衙門內外拋置此皆素有嫌隙或訛詐不遂而起斷不可盡信如果實有其事何不然控告若據此查詢究問勢必效尤日多惟有概置不問焚之而已余辦鶴山縣客產時有以首事某人辦事不公某田被其吞占某事得錢若干作無名字帖投之當以同局辦事之人識之曰此等字帖固不足憑但有則改之無則加勉以有此數語外邊謠傳某人被官大罵嚴加申飭又添以枝節傳播盡知以致門隙投進者無日

州縣初仕小補

卷下

廿三

禁賈關印

無之或下鄉辦事轎內亦必有多張俱不展閱檢齊而焚之無論何處總不提及未幾竟絕矣此雖小事不可不知

戒慎火燭

署內上下人數衆多各房燈火無處不有上房內眷各處尙可親爲檢點僕從諸色人等豈能遍行巡視往往燈火晝夜不息耗費事少疎虞甚慮又廚房茶房堆積柴草必多諸人吸食鴉片水旱各烟燈火烟灰處處可虞宅門以外大堂以前非房科卷宗所存卽盜竊囚犯所繫均關重大尤宜不時諄飭嚴行誠諭余任電白縣時署前店舖失火右與大門勇棚接連舖卽內監外牆彼時

火光燭天內外惶急急命將勇棚拆去親至監內督令將犯人提出暫收羈擾人看守一面督率勇役人等將火撲滅監墻上之針刺茅草盡成灰燼幸未延及衙門監羈火燭可不慎哉

### 交結武營

武營習氣大抵好大喜誇自全體面者不少凡遇營兵欠糧及兵丁與民爭訟之案州縣開具該兵姓名移請送審者無不飾詞延宕十不一解文武齟齬往往由此而起但平日以誠實相待固結

其心常以定例敘談使其不敢干犯習爲自然臨時或不致掣肘

### 稟見上司

### 州縣初仕小補

卷下

廿四 森寶圖印

初經到任稟見上憲如有詢問之事問何件答何件倘有不決難處之事簡明回稟請示核辦其有已辦應回明者婉言詳述不可繁冗重複令人聽之生厭更不可急躁驟突聽不明晰湏欵欵明亮了然無滯且語句之中尤宜斟酌懼有忌諱冒犯不便公事回完非問莫言緣甫經任事地方情形不熟上憲秉性未曉恐言多有失追悔莫及見憲幕亦宜謙恭免招物議不可不慎

### 接待上官

凡上官到衙拜會先差人擋駕如必要見卽於花廳設台座衣冠出至下轎處恭立站班請進行禮躬親獻茶若謙讓陪坐卽坐以

便談講話畢上官一捧茶卽先趨至轎前站班請安送上轎打躬去後隨親至衙門公館稟安謝步繳帖若係同城以公事常見差人謝步繳帖亦可若係過往上官須出外迎送如無年世親誼不親回拜者多然預備辦酒席致送其過山禮之有無照向章辦理因時制宜未可拘定

### 道府節壽

道府節壽禮及幕友節規必須照向章致送不可短少各憲所荐乾脩亦湏擇要應酬若少失點綴雖云相好並不在此然筆耕生涯多有靠此養家者中心難免耿耿不可因小失大

### 州縣初仕小補

卷下

廿五 森寶圖印

### 親信管帳

帳房事務煩雜銀錢出入總所必得至親之人經營始能任勞任怨所有出入錢糧稅契各項支發應酬一切事務紛繁若請外人管理豈肯實心節省招衆人怨恨其支發大廚房伙食各處燈油蜡燭一切稍不認真必致散漫無稽日就月將耗費豈勝言哉

### 帳房交易

帳房用項浩繁每日各役工食鹽羈犯人口糧以及各項零用所必需皆湏銅錢支放中箇之缺每日亦湏錢三二十千及數十千不等既不徵收銅錢必湏以銀易之或在店鋪零取十日半月

一算付銀清結宜防其串通虛報如街市每兩市價倒錢一千五百文次錢一千五百四五十文則囑其銀價少開二三十文用次錢而報制錢價值統計每兩可賺錢六七十文不等每月用錢數百千核算爲數不多若不留神查問吃虧不淺賬房親信人管理者誠是故也

用得其人

中簡之缺尙可逐事經理如任繁要則奔走各處應酬一切已屬日不暇給諸凡事務全在用得其人庶不致掛一漏萬貽誤獲咎各節酒席

州縣初仕小補

卷下

廿六

森寶閣印

年節開印封端陽仲秋冬至各節必請幕友酒宴家人亦有中酌惟上席價銀若干中席若干與夫每日每人飯錢若干皆與大廚房言定包辦此等小事無湏多費各處不同臨時酌辦

擇用家人

州縣事務殷繁用家人最爲難事無能者固足以誤事有能者尤

足以僨事用人自必取其有能不取其無能但無能者誤事或出於無心尙可寬以容之有能者僨事則出於有心必當嚴以斥之更不可因其能事而過於信任務必擇其老誠可靠有身家顧體面者而信任之庶不致決裂生事也至並無他能而忠誠信實安

分守法者亦可量才器使而安置之其久用之人非有大過惡不可輕棄而小過失所在難免當原情而寬宥之緣實難責備求全耳

家人陋規

凡家人之爲我用者無非爲謀衣食計也如在任上固不容其藉端需索有累民間然向有舊章非我作俑者爲渠等應得之項不可禁止壞例落後任之話柄更不宜提上免若輩之口實蓋彼從我遠宦家口嗷嗷待哺不得事蓄之資豈肯盡其血誠實心報効果平日待其不卽不離之間使之得所無內顧之憂尙可激發天

州縣初仕小補

卷下

廿七

森寶閣印

良不致欺罔朦朧若一味刻薄使彼毫無沾潤左右支絀則必存他適之心不惟公事不肯實力抑且有可乘之隙難免無希冀發財之謀至於招搖生事更難保其必無也緣此處看透無益終非長久之局卽或事有敗露不過一走而已尙復何所顧忌乎非獨官擇家人而用家人亦擇主而事惟以寬嚴兼施不事苛求應作不知者默之可以原宥者恕之庶幾乎得其中矣

土薦家人

用家人之難前已畧言之矣更有難者無如上憲所薦者也當時不便不收若不派正事不惟本人不願似覺亦難對薦主若遠派

以正事其人之品行公事素所未悉未免游移以迫於情面不能不勉強試之觀其行爲若稍知大義心地明白常在衙門行走者自然安分守法循規蹈矩以顧薦主之顏面而全自己之聲名其因敗事或難以安置之人薦出者每多公事不知規矩不曉倚恃薦主任性自是不論事之輕重不計利害大小一無忌憚稍有阻抑則自謂上司所薦與衆不同卽應任以要務似覺主人莫能奈伊何者且當以畧居人下惟恥更以不足爲恨動輒言假忿怒言辭官又不能不看前顧後以全顏面而在在爲難多有忍氣吞聲直至自處不安因而告假以歸殊不知自返反搃主人糊塗待人刻

州縣初仕小補

卷下

廿八

森寶閣印

薄又生許多是非謠言不已竟無如之何也當未辭去之時倘與薦主相見間或問及卽有百般過惡不可當面明言恐羞怒不使但云人尚老實惟缺苦人多不能寬裕有負憲意云云此事難處極矣赴任時若有此等薦人惟酌量派以正事之副以鞭撻之宜諸事將就但以出息微小儘可格外恩施以固其心待以優容庶幾不致中道而廢也

又若輩流品混雜有氣節者固不乏人素諳佞者亦所常有大奸若忠狀似殷勤者更非易辨人品不一家人中動輒不相拍合每妄造是非不可不察如私嫉某甲者未必全是大半出於陰挾私

怨彼此共事報復無從遂妄造浮言或指其貽誤公事或捏其外出招搖來告者正是小人未必盡忠於官却祇圖報私怨遇此等事祇一笑領之示以知道若所言是信不分眞僞遽加申以聲威則正墮彼術中爲彼播弄此後必紛紛攻訐將無已時然又不能漫無覺察平日湊細細留心觀其人品如何積以月日則各人優劣瞭如指掌自有權衡當知去取彼不能爲鬼爲蜮伊等知官能有把握譖訴不行不敢再萌詭智亦省事之一法也故順及之

奴婢宜寬

署內奴婢小人或因窮苦而鬻賣或因舊主嫌其疲玩而轉售皆州縣初仕小補

卷下

廿九

森寶閣印

係命苦之人此輩天資多愚囑之以事不能記憶又多性執不識守分於使令之際宜寬以處之更多方教之如屢訓不悛頑梗不善之人宜善遣不可過於嚴刻免生意外之患

製辦丸藥

監羈各處人數衆多時氣所感其傷風頭痛寒熱吐瀉霍亂時症在所不免雖設有官醫必常用在衙誠恐緩不濟急應預製藿香正氣丸菩提丸甘露茶午時茶以及痧藥等丸蒼朮大黃各藥存之帳房不惟犯人是需卽內外上下書差人等如有患病者隨時按症發給調治仍請醫生診視庶免耽延贻誤所費無幾未始非

積德之一端也

京官打抽豐

凡京官翰林進士打抽豐送扇對硃卷者多讀書寒士除自有親  
世年鄉各誼揣情分之薄厚酌資送之多寡不計外或有首府專  
函云係奉上憲面諭格外從豐者酌量致送不可過多恐同寅譏  
我賣富討好若過少不惟各上憲難對來人卽寫信者亦未免以  
不顧情面於心耿耿總須不卽不離酌中爲是蓋此等應酬一時  
大宦謀求派掌某處書院該處有與無有與夫有人無人皆置不  
州縣初仕小補

卷下

三十

森寶副印

問令每季送乾脩若干兩祇送脩不到館竟不識面謙恭者尙修  
函致謝否則回片而已似此者尤非憲意所樂從實緣礙於情而  
不得不依而屬員更何敢不應也總之州縣所費非正項卽雜款  
明知虧累然不能不隨時應酬

題捐廟宇

地方修建橋梁道路河堤以及重修廟宇添設渡船之類紳耆首  
事莫不願本官倡首簽題多捐者其急公好義之人固屬不少而  
假公濟私藉端漁利者亦不一而足湏察看地方情形與夫首事  
人品若地當衝要前有今廢必得修復首事又皆公正久爲衆人

敬服出首承辦此事確有把握事在必成何妨倡首量力簽題並  
爲之設法勸捐以成善舉而順輿情苟非必須之事在可爲不可  
爲之間首事又非公正爲衆人所推重似此者百無一成半途而  
廢者居多終歸糾纏不休惟彼等旣以善事義舉爲詞不可遽行  
阻止不爲簽題但告之曰此舉甚好如果辦成功德無量我出官  
銜以爲之倡爾等各處容易簽題候捐有成數再爲酌量輸助可  
也卽於緣簿內出官銜捐銀一封蓋印發出庶免藉詞怨尤若上  
司派有簿疏不能不倡首勸捐每以無人簽題自備銀一二百兩  
呈交完事至外來各處緣簿不知底細者亦惟捐銀一封酌量付  
州縣初仕小補

卷下

廿一

森寶副印

銀可耳

交接事宜

新舊交接未有難於交盤者蓋州縣交代最爲糾纏本官知交代  
款目者寥寥無幾全賴幕友維持然各存成見惟恐東人吃虧未  
免稍有外錯幸有監盤復核足昭公允惟倉穀一項無不爭多較  
少者或以潮爛打除卽謂刻薄太過或以倉廩應修又云格外挑  
剔在接收者欲穀好倉固以便易交後任而移交者更欲諸事將  
爭論不已試思歷任數年不等穀石焉不虧耗倉廩豈無損壞何

謂新任刻薄也如果穀好倉堅無可指摘之處又誰肯節外生枝

自尋是非而招怨尤也惟恐一涉含糊移交後任爲難耳此事雖

親契莫逆前任未有不怨新任刻薄而新任亦未有不言前任鄙  
吝者蓋其勢然也湏平心暗想誰無交卸之日何必以刻薄爲能  
以挑剔爲是徒落後人話柄務當各存天理良心公事可以將就  
無論移交接斷不可刻薄挑剔尤不可含糊草率總須兩得其  
平各無虧損

再前項倉穀若新任挑剔過甚舊任吃虧較鉅或舊任以倉面倉  
底打除太多欲盡數入倉彼此爭論或倉廩勢將傾圮舊任吝不

州縣初仕小補

卷下

卅一

奏摺圖印

肯修新任恐倒壞受累以致互相糾纏不能及時開盤者惟有稟  
請道府委員前來勘驗督盤彼時兩無顏面耗費事小未免不無  
議論短長也似此者不一而足特誌之

交盤印結照前任辦

新任交接之際湏看前官之爲人若精明強幹者無不自誇其忠  
厚正派不肯刁難人現在倉穀皆乾圓潔淨並無潮爛倉廩莫不  
堅固無須修理接前任時未曾盤量係照前任虧數核算接收今  
亦可否照辦免致彼此耗費至正部各欵業已解清並無短少請  
早爲出結以便回省卽答以初經到任諸事未諳尙祈指教所說

之事當面不可不應在伊固不敢妄言正部各款印結盤查報告而我尤不可不慎重惟口說無憑卽令各該房查其本任接收前任各案卷宗倉

穀如果伊未盤查恐歷兩任數年之久虧耗必多亦應盤量藉以風晒倘已盤查照辦尙復何言其正部各款銀兩雖云已解清楚更不可不查明是否惟有批廻有無未解之項查核明確或俟解清僅有批廻再行具結或云未解之款自己晉省卽速批解不敢延緩如果查明正項無虧祇有部欵些湏籌辦不難卽將未解款目逐一聲明先行出結倘銀數較鉅措辦不易則未便出結恐贻後累務湏查照成案辦理似亦無可置辯要在因時制宜不可一

州縣初仕小補

卷下

卅二

奏摺圖印

律拘定  
盤查倉穀

倉穀一項不可草率接收前已畧言之矣惟存穀多者到任後必請盤倉卽令其將倉廩修理驗看是否堅固恐匠役人等朦混舞弊如果完固擇日與前官同到倉所眼同用乾藁荳將部頒官斛較量查對上兩任較量多寡數目如果參差甚多不妨再較有較三五次者緣天時不同連陰日久豆身泡漲晴久則豆身結實皆能致不相符勿以一勾半合而忽署之因以少積多也務湏將菉荳晒乾較量方昭核實恐倉書斗級人等從中作弊不之覺耳較

准後將多少數目登簿蓋前後任圖章各執一本將斛封置倉內鎖匙前任收存開盤時限同開用大倉挑倉面穀二十一石將倉面穀載出一斛中倉穀載出一斛將至倉底亦載出一斛面中底倉之四隅離牆一尺之內各撮一箕中間撮一箕共湊足一斛上中下三斛穀石一體和勻共量三斛碾試米樣若足二穀一米之數卽按倉盤量每日收盤時將各倉並官斛照前封收倉面穀運出晒干湊用風車扇揚以去糠穢因鼠耗踐踏瓦面灰塵兩星霉濕故也中間者如無損壞自應照盤將至倉底不無霉爛潮濕亦運出晒干風車扇過然後盤量入倉盤完一倉核計虧短若干據實

州縣初仕小補

卷下

廿四

恭賀關印

登簿蓋用兩任圖章存記其修倉墊笪斗級口糧夫價等項俱前任備辦各處情形不同我交卸時亦照此辦理以昭公允固不可格外挑剔致傷和氣亦不可稍涉含糊後交爲難務宜均平兩不虧損余曾受此大累恐初仕者不知其中底蘊未免措手爲難故誌之以備考察

前官衙門

前後任交接雖至親契友未有不芥蒂互相譴責者前任恐挑其公事莫不體貼曲從新任亦應以謙和相待以敦雍睦前官交卸後盤查倉穀清算交代勢必耽延月日公館雖鄙陋狹小辦公不

便亦當設法暫時將就不可催其搬挪衙門致生嫌疑在舊官未有不欲早行者奈以公事糾纏出於不得已也倘再迫催官不敢以此見諸辭色而家人輩不無藉詞毀窓破門甚致乘機搬運什物致爾彼此於心耿耿落同人話柄當思官因公事暫留衙門理並無不合即使借居民房多住幾日有何不可催迫何爲且我亦有交卸之時倘後任亦如此相待於心能無憾乎務湊諸事油容稍存厚道以敦寅好爲是此雖細事相處甚難每見以此不和者故誌之

上行公文

州縣初仕小補

卷下

廿五

恭賀關印

凡緊要詳稟以及各項文書關係上行者務湊嚴囑簽稿逐一磨對清楚若能自己過目固佳但恐事多難以兼顧則專派妥當細心之人閱看印發斷不可草率疏忽倘有遺漏之處上諭必以諸事皆不留心見責無可解釋總宜小心謹慎

安置官親

安置衙門之人未有難於官親世交及族人子弟者本官在省候補備受艱苦雖至親無過問者幸而有缺若輩或有與本官同來者亦有因得此信不遠千里而投奔者聽外人謠傳每年入息若干不問虛實一味貪利妄想祇圖與自己有益不揣己之能與不

能但諭某處某事較好力求安置意謂發財有日回家卽稱富翁矣本是鄉愚村野規矩不知公事不曉自覺才高識廣滿口亂言自謂與官如何至親如何親近今到此處敢不惟命是聽如此居心已屬不是再逢無知小人從旁慫恿心胆愈粗遂在外招搖生

事或賒欠貨物掄借銀錢肆無忌憚毫無畏懼試問此等妄人焉

敢托以衙門正事乎然稍拂所欲卽懷恨刺骨逢人捏造短長妄言誣情不肯照應親屬任意誹謗如此情狀竟吾莫如之何也籌思至再出於萬不得已只擇其安分老誠稍有才幹者酌量派以事務囑其不准干預公事餘者婉言守分安居從緩設法布置暫州縣初仕小補

卷下

禁

廿六

禁賈闊印

爲禍廢之此後倘有閑說事體傳送是非者卽厲聲拒絕不可不防漸杜微免生事端若再不知斂跡便當破除情面設法妥爲令歸不可吝惜資費亦不可再事姑息與自己聲名大有不便也爲官者未必盡有此事然親見受此累者不一而足初經蒞任遇有此等親族派事不可不格外慎重庶免噬臍若以前言爲妄迨至身歷其境方信余言之不謬也

子弟讀書

署中如有讀書子弟湏請品學兼優之師嚴加訓迪專意攻書毋使曠廢衙門公事一概不准閑間吃著皆宜樸素用費俱應節省

禁止不許出外遊蕩尤宜切禁飲酒嫖賭恐染紕穢習氣鴉片烟更宜禁絕斷不可沾染蓋此道最易誘人一入其中卽與廢物無異焉能望其讀書上進乎要在平昔訓誨切勿溺愛縱容庶不致染習氣

在省候補

凡在省候補設奉差委往各處查辦事件務須與地方官妥商辦理委辦何事卽專辦何事不可另生枝節獨出意見所辦之事固不可任性爲難尤不可因循將就務湏事歸實際胥得平允庶免上游挑剔至於供應一切不可嫌好道歹程儀夫價斷不可爭多

州縣初仕小補

卷下

禁

廿七

禁賈闊印

較少帶去僕從開導約束能知自愛卽不致啟浮言矣

大清律例條目繁多查閱不易茲擇其時常應用者照錄數條以備觀焉

五刑

笞刑五

一十 二十 三十 四十 五十

均四折餘各如笞二十應八板餘各折五板之類

笞者恥也而惩示辱所以發其恥心也其刑輕故數止於五而不滿百倘罪有重於笞五十者則出笞而從乎杖所以別輕重之權也

杖刑五

州縣初仕小補

卷下

卅八

卷下

卅九

卷下

六十 七十 八十 九十 一百

亦四折餘各

杖重於笞兩笞折一杖凡有所犯重於笞五十卽出笞而入乎杖乃其罰又自杖六十始其所以然者蓋緣頑梗弗率之徒恥心已冥非笞可以動其懼故入杖以示警

徒刑五

五徒之外尚有雜犯流徙楚四年雜犯死刑准徒五年

一年 杖 六十 一年半 杖 八十 二年半 杖 九十 三年 杖 百

徒者卽漢之所謂城旦春也拘繫其身心使力供乎勞役迨平准之法除則無所謂城旦春矣故配發於各驛一聽驛吏爲驅使所以加夫罪浮於杖一百應各爲遞加若杖數多忍受刑者雖保生

命特設此減杖加徒之法以通之若杖浮於一百則賠加以二十若加一等則應實板一百二十故爲減其實杖之四十仍以復乎出笞入杖之初而益以徒一年以代其杖之六十倘更有重著則脣累遞加加至徒三年杖一百而止此徒刑五等所自始也

流刑三

二千里 二千五百里 三千里

均杖一百

流刑之制始自上古帝堯首罪四兇流共工於幽州卽其始見書曰象有典刑流宥五刑是流之爲法乃以矜宥夫五刑之疑初非本乎五刑之正按三流之制以二千里爲始其義先王以甸侯要

州縣初仕小補

卷下

卅九

卷下

荒爲服各以五百里爲限流二千里則逃之要服矣二千五百里則荒服矣若三千里之流則居服荒之外矣所謂投諸四裔不與同中國之義也追乎後世四海一統地之所載盡爲版圖旣無要荒之分五刑復邀遞減之澤以寬宥乎五刑之法卽以三流列入乎五刑之正也

軍刑五

附近二千里 近邊二千五百里 邊遠三千里

極邊烟瘴四千里

竊按充軍之令從古未有始自故明蓋故明開創伊始放牛歸馬

一倣漢充國遺治分隸老師宿將星屯遐荒以守其地各爲外捍而內衛然而爭戰之餘什伍恒缺而不周故特設此令以實之其

所謂軍者卽此分屯各墮者也而充卽充此逃故傷亡之什伍也故統其名曰充軍律義若曰彼乃兇惡無知留之既慮其擾害善良殺之復不忍其橫罹慘烈驅而遠之戍彼魑魅彼固本非軍也今則罰之以充其數故曰充軍

### 斬絞

刑至於死則刑居其極是則洪範九疇六極首著之兜短折人主建皇極以臨天下所恃以重別克之權惟持平乎法所以上申天討

### 州縣初仕小補

卷下

### 四十

藝寶圖印

也五刑之極曰死刑有二曰斬曰絞斬者身首異處血濺泉壤也始於黃帝伐蚩尤以正其惡卽上古五刑中所列之大辟者是若絞止於畢其命猶爲保乎全體非若身首異處之備其慘烈耳其刑較斬爲差善往古之世未之或聞據稱始自有周然亦未備詳其所自要之總以畢乎其命故二犯科條雖有殊分然其備具於五刑之列則一緣其同歸於死故也若遇援減又皆共爲一視是以各例特著以二死同爲一減是皆五刑之正然二死之外有等而下之有雜犯斬雜犯絞者有等而上之者曰梟斬曰凌遲曰梟示曰戮屍曰剗碎其骨者此又刑外之極刑是古先聖王特著

嚴律以處兇殘之甚者也

### 凌遲

凌遲者其法乃寸而磔之必至體無餘縫然後爲之割其勢女則幽其閉出其臟腑以畢其命仍爲支分節解剝其骨而後已

### 十惡

一謀反

謂謀叛本國者從他國

二謀大逆

謂謀叛宗廟山陵及官廟

四惡逆

謂謀殺祖父母父母夫之祖父母父母殺伯叔父母姑兄姊外祖父及夫者

州縣初仕小補

卷下

### 四一

藝寶圖印

五不道

謂殺一家非死罪三人及支解人若深生折磨造畜毒藥賊足忍殘害背棄正道故曰不道

六大不敬

謂盜大祀神御之物乘御服御物及僞造御寶合和御藥誤不依本方及封題錯誤犯食禁御幸升廟誤不監守

七不孝

謂告有咒罵父母父母夫之祖父母父母及外祖父母父母在別籍異財若奉養有缺居父母喪身自解妻并作樂釋服從吉聞祖父母父母喪服不盡哀節制父母死

八不睦

謂謀殺及賣祖廟以上親殺夫及大功以上尊長小功死絕○此條皆親屬相犯九族不相協合故曰不睦

九不義

謂本部民發本屬知府知州知縣軍士教本督官吏卒發本部五品以上長官若發見受業婦及閭夫婢臣不舉哀若作樂稱服從吉及改嫁

十內亂

謂奸小母以上親父母妻及與和者○貪歡其行朋淫於家素亂禮經故曰內亂

輯註周官曰斷五刑之訟必原父子之親君臣之義又曰凡制必卽天倫此條所載皆無君無親反倫亂德天地所不容神人所共憤故特表而出之以爲之世戒

輯註十惡不必皆極典也如不敬內合御药誤不依本方等項不

孝內別籍異財等項不陸內敵告夫等項不義內聞夫喪匿不舉等項皆罪不至死者罪不至死者固爲法所難宥卽罪不至死

者亦舉有乖倫理故特揭其名於律首使人知所儆也

時錄皆秋犯十惡及強盜者決不待後處決

### 附釋八字之義

以者非眞犯也非眞犯而情與眞犯同如眞犯之罪罪之故曰以准者與眞犯有間用此准彼也所犯情與事不同而跡實相涉算爲前項所犯惟合其罪而不概如其實故曰准

皆者概也齊而一之無分別也不行分別惟概其罪而同之故曰皆

各者各從其類義取乎別也萬類不齊品流各別比類而觀實同一致故用各字以別之

其者更端之辭也承上文爲之更端而竟本條所未盡則用其字

### 州縣初仕小補

卷下

四三 森寶閣印

### 例分八字之義

以者與實犯同謂如監守貿易官物無異實盜故以枉法論以盜論並除名刺字罪至斬杖並全科

准者與實犯有間矣謂如准枉法准盜論但准其罪不在除名刺字之列罪止杖一百流三千里

皆者不分首從一等科罪謂如監守主守職役同情所監守官物並赃滿數皆斬之類

各者彼此同科此罪謂如諸色人匠縣起內府工作若不親自應役雇人冒名充自代替及替之人

其者學字先意謂如論人犯罪先奏請鑑其犯十惡不用此律之類

及者事情連後謂如彼此俱罪之類及屢累之物則沒官之類

卽者竟盡而復明謂如犯罪事發在逃者舉証明白卽同獄成之類

若者文雖殊而實上意謂如犯罪未老疾事發時老疾以老疾論若在徒年限內老疾者亦如之之類

斷者口角爭論彼此扭結未至捶擊也毆則以手足相打矣此以

鬪毆名篇實則所著皆毆律人之鬪毆大概因一時之氣事起

倉卒非有戒心卽有同謀共毆者亦意止於毆耳故篇中專論傷之輕重以定罪然必有因傷至死者故後復有保辜之法與人命律內鬪毆條參看

兩人爭鬪而敵毆謂之鬪毆若毆人而人不敵則但謂之毆青赤腫爲傷則或青色或赤色或腫起皆是註有而字則謂或青或紅而皆兼腫也當分別論之

青赤腫爲傷一句申明上成傷不成傷非手足其餘皆爲他物卽兵不用刃亦是此三句申明上手足他物也鬪毆殺人無手足他物之別若止傷人則不能無辨殺同一死傷有重輕也

州縣初仕小補

卷下

四四

禁書闕印

刑律手足毆人不成傷者笞二十成傷及以他物毆不成傷者笞三十

他物毆成傷者笞四十拔髮方寸以上笞五十血從耳目出及內損

吐血者杖八十穢物污人頭面者亦如之折人一齒一指眇人一

目抉瞼人耳鼻破人骨及以湯火銅鐵汁傷人者杖一百以穢物

灌人口鼻者亦如之折人二齒二指以上及髡髮者徒一年折人

筋眇人兩目墮人胎及刃傷者徒二年折跌人肢體瞎人一目者徒三年

灌入口鼻者亦如之折人二齒二指以上及髡髮者徒三年折人兩肢損人二事以上及因舊患令至篤疾者徒三千同謀共毆傷人者以下手傷人者爲重罪原謀不下手或毆而傷輕減一等若因鬪互毆者各驗傷之輕重定罪後下手理直

者減二等至死及毆兄姊伯叔者不減

兇徒執持腰刀鐵鎗弓箭並鐵銅簡劍鞭鉛錘斧扒頭流星骨朵夢穂等項兇器及庫刀梭標鷄尾黃蟠尾鯉魚背海蚌等刀械

刀砍刀凡並非民間常用之刀但傷人者徒近毆至篤疾者徒遠年在五十以上仍發近邊軍奪獲兇器傷人之犯徒三年聚衆執持

兇器傷人及圍繞房屋搶掠家財棄毀器物奸淫婦人除犯死刑外徒以上皆發近邊軍持兇器未傷人者杖一百自傷者亦杖一百

兇徒因事憤爭刻瞎人眼晴故折人肢體抉人耳鼻口脣及斷人舌毀敗人陰陽者發近邊軍

州縣初仕小補

卷下

四五

禁書闕印

註若非剝瞎故折全抉者照律科

凡保辜者責令犯人醫治限內因傷死者以鬪殺論絞斬其在外及限內因他故死者各從本毆傷法若折傷以上限內平復者減二等

註下手理直減毆傷二等如限內平復又得減二等所謂累減

辜內雖平復而成殘廢篤疾及辜限滿日不平復而死者各依律

全科註全科所毆傷殘廢篤疾之罪雖死亦同傷論

按保辜律手足及他物毆傷人者其傷輕限二十日例加

金刃及

湯火傷人者限三十日例加十日以上折跌肢體破骨墮胎者無論手足他物皆限五十日例加十日以上俱以平復看其立保辜之時本官先驗其傷之輕重仍註明係某處傷照依圓長青赤分寸或手足或他物或金刃各明白依律立限狀花押並取有身家及歐人親屬各的保狀附卷保辜內平復及限滿不平復而死其分別擬罪律載甚詳

例  
斃傷人限內不平延至限外若手足他物金刃及湯火限外十日之內折跌肢體及破骨墮胎限外二十日之內果因傷身死者方擬死罪奏請定奪

州縣初仕小補

卷下

四六

禁獄關印

凡鬪毆之案如原毆並非致命又非重傷越五日因風身死免其抵償流三千里若死在五日內仍候如致命傷輕或傷重非致命因風身死者必死在十日外方請改流其致命傷重及雖非致命傷至骨損骨斷卽因風身死在十日以外仍擬絞若破骨傷及手足他物金刃傷在餘限內因風身死者殺至餘限外因風身死者止科傷罪

刃傷人至筋斷者照破骨傷保辜五十日僧人逞兇斃命死由致命傷重雖在保辜限外十日之內不得輕減強取曰刻如強盜行劫也囚者拘禁罪犯之名已招服罪而鎖扭

拘禁者謂之獄囚已審供取詞未招服罪而散行拘禁者謂之囚事發已拘在官尙未審錄者謂之罪人此等囚犯或監禁在獄或解審在途而囚之同類若打開監門及在途邀截用強劫奪不論會否將囚劫去但行劫者不分首從皆斬

若官司差人追征逋欠錢糧之戶勾攝應行公事之人及捕獲有罪人犯其人已爲差人所得而有聚衆至三人以上在於中途毆打差人將其人奪去則與上划囚相似矣然囚是官司拘禁之犯此則差人押帶尚未到官其人不同其罪亦異故止杖一百流三千里因打奪而毆傷差人者絞殺人及聚衆至十人爲

州縣初仕小補

卷下

四七

禁獄關印

首者斬打奪至殺人則兇頑已極聚衆至十人則橫肆已甚殺人雖非爲首者下手十人雖未殺傷人爲首者並坐斬所以嚴首惡也仍於爲從之內推究下手致命之人坐絞所以重人命也其餘爲從者各減一等各字適承聚衆打奪及殺傷人衆十人而言凡造意打奪爲首隨從相助爲從者皆指他人也若其家人則同居之人及有服之親屬也尊長率領家人打奪則與衆衆不同雖至十人以上止坐尊長一人杖一百流三千里聚衆傷人者絞殺人者斬家人但不會傷人者皆照家人共犯免科若家人亦會助力傷人無論致命不致命均照凡人

打奪傷人首從論減尊長一等間流不在免科之限

出人不意而攘之曰搶用力互爭而得之曰奪搶奪之罪介乎強竊之間白晝不畏人知有類於強人既不多又無兜器尚近乎竊故凡白晝搶奪人財者不計賊數卽杖一百徒三年輕於強而重於竊

意是謀之主造意在共謀之先衆尙未有謀獨先造出此意故謂之造意而共謀則相與商謀者耳共謀又與知情不同共謀是共相圖謀知情是但聞知其事知情者身在事外共謀者身在其中矣

州縣初仕小補

卷下

四八  
藝覽闡印

初檢復檢皆謂檢驗或謂初視皮肉爲驗復行拆蒸爲檢非也

古人皆稱檢驗今人以驗屍爲相驗拆蒸爲檢  
扭施於手惟死罪重囚用之輕罪及婦人不用婦人雖犯罪在獄當別嫌疑其飲食便溺不可假手於人故不加扭鎖施於頸以鐵索鎖之於柱輕重罪囚皆用之  
禁謂收禁在獄也男子犯徒罪以上婦人犯姦及死罪皆應收禁軍民杖以下婦人流以下及老幼廢疾皆散收押禁官犯死罪除死罪外徒流鎖收杖以下散禁公罪自流以下皆散收鎖扭俱拘禁獄囚之具也若原問官將應令收禁之囚而不禁應合

鎖扭之囚而不鎖扭及已鎖扭而爲之脫去者各隨囚罪之輕重論以笞杖罪名所以愆寬縱也鎖扭錯施雖不廢法然非法之平所謂不如法也各減全不鎖扭之罪一等各字指杖徒流死罪四項而言

若已如法鎖扭而囚自脫去及司獄官典獄卒私與脫去亦如原問官脫去之罪提牢官知而不舉者亦與同罪不知不坐不應禁而禁者誤禁也若故禁者自有本律前不禁不鎖扭者雖失之縱猶可補施改正此不應禁而誤禁不應鎖扭而誤鎖扭則枉矣故不分輕重各杖六十所以愆殘虐也各字指禁與鎖

州縣初仕小補

卷下

四九  
藝覽闡印

扭兩項言

軍職管軍有司管民各分統攝詞訟內有軍民相干者有軍民不相干者若軍人犯該人命事情於內不論有無干涉民人管軍衙門須約有司檢驗歸於有司問擬人命至重非管軍衙門所能辦理也若人犯該奸盜詐僞戶婚田土鬪毆等事則非人命之比與民人相干涉者一體約會追問恐有所偏護也與民人不相干涉者後管軍職衙門自行追問所以專職守也有司與管軍官管理軍民詞訟有應取問人犯彼此各執已見占慘音不發者軍民首領官吏各笞五十

輯註分別事情曰區決斷其事曰處判斷其事曰判諭決其罪曰

決

佐雜人員不許准理地方詞訟遇有控訴到案卽呈送印官查辦

者

母庸議如擅受而審理者降一級調用

私失察之印官罰俸

一年

公罪

其因擅受而致釀人命者佐雜官革職

私失察之印官

降一級留任

公罪

若印官規避處分匿不揭報卽照諱命革職

私罪

一年

公罪

如揭報於釀命之後仍議降一級留任

私罪

凡問刑衙門於刑律所載應用刑具之外創造名目私設非刑者

係州縣官革職

私罪

府州降二級調用

公罪

係州縣官革職

私罪

道降一級

私罪

州縣初仕小補

卷下

五十

森寶閣印

調用司降一級留任督撫罰俸一年

公罪

揭報題叅者免議

官員

承審命案搶竊及一切要案如實係有罪之人證據明確而

犯供狡戾或用掉耳跑鍊壓膝等刑者免其置議若係案內干

連人犯或被扳無罪之人以及審理尋常事件犯情無難得實

輒用掉耳跑鍊壓膝等刑者均降一級調用

私罪

因而致死者仍照

擅用非刑例革職

私罪

官員於人犯滿杖之外違例疊責致死者

革職

私罪

如將無辜之人杖責致死者革職提問

私罪

府州降二級

私罪

調用道員降一級調用臬司降一級留任督撫罰俸一年

公罪

揭報題叅者免議未致死者問刑官降一級留任督撫罰俸一年

公罪

上司免議

州縣初仕小補

卷下

五一

森寶閣印

罪外徒流鎖收杖以下散禁公罪自流以下皆散收

大計八法

日食曰酷日能軟無爲日不謹日年老日有疾日浮躁日才力不及有犯貪酷者督撫隨時題叅革審永不叙用其入於計典不謹能軟無爲者俱革職年老有疾者俱勒令休致浮躁者降二級調用才力不及者降二級調用加級紀錄均不准抵銷

凡獄囚應請給衣糧醫藥而不給病重者應脫鎖扭而不脫犯管者應保管而不保管病危者應聽家人入視而不聽官卒

五十

笞

兩日

加一等止

四十

徒罪

杖一百杖以下

六十

流罪

八十

徒罪

探視外其已結各案許令一月兩次入視其隨從入視之使役

杖

一百

徒罪

人等不越兩名如有捏稱犯屬入監教供舞弊嚴拏究辦獄囚

杖

一百

徒罪

年七十以上十五以下廢疾散收凡在禁囚犯一日給倉米一升冬給棉衣一件病給醫藥在官錢糧內支放官犯私罪除死

杖

一百

徒罪

凡作州縣洗冤錄不可不時常翻閱遇有相驗並看視生傷自必隨時查對無不備載惟相驗屍身正面背面致命要傷歌訣應熟誦而默記之故附於後以便閱看

正面歌訣方

仰面傷痕十六刀

項心左右凶門當

(喉)

額角額頭看畢

耳竅咽喉並太陽

兩乳胸膛心肚腹

臍同肚脇更湏詳

臂腋有子看雙獨

婦女陰門恐暗傷

合面歌訣

州縣初仕小補

卷下

五二  
森寶閣印

合面傷痕亦有六

腦後耳根官目囉

脊背脊督穴湏詳

後脣腰眼相連屬

(致命)  
止此

肩甲血益腋肢傷

內通筋骨死亦速

除此皆非致命痕

二十二傷可更僕

七釐散 接骨丹二方屢試屢驗無不立效今附列於後

七釐散

上硃砂

(一錢二分  
水飛沙  
一錢五分)

真麝香

(一分二厘)

梅花冰片

(一分二厘)

淨乳香

(一錢五分)

紅花

(一錢五分)

明沒藥

(一錢五分)

爪兒血竭

(一兩)

粉口兒茶

(二錢四分)

以上各等分共爲細末專治跌打損傷屢試屢驗其效如神藥

末以酒沖服以醉爲度傷愈忌房事百日

九分散

乳香

沒藥

車前子

蘇黃

以上各藥揀選地道於五月五日午時共爲極細末磁瓶收貯黃蠟封口愈久愈妙每服七厘不可多服孕婦忌服

右藥專治金瘡跌打損傷骨斷筋折血流不止者先以藥七厘燒酒沖服後用藥以燒酒調敷傷處如金刃傷傷重或食喙割斷不湏雞皮包紮急用此藥乾摻定痛止血立時見效並治一切無名腫毒亦用前法調服得此方者調治鬪毆諸傷無不應手立痊

凡地方官驗傷之時或倉卒無藥或偏僻無良醫恐傷輕變重致死者多矣此方爲傷科之聖藥應驗如神如平日虔合此藥

州縣初仕小補

卷下

五三  
森寶閣印

遇有驗傷隨時施用不獨傷輕者立愈卽傷重者亦可救一命不啻救二命未始非善事也且價廉工省人人能爲之

又方  
(此方四川通行)

半兩古錢

(火燒  
醋內煅)

自然銅

(照上)

血竭

歸尾

乳香

藥沒

兒茶

以上各等分共爲細末專治跌打損傷屢試屢驗其效如神藥

末以酒沖服以醉爲度傷愈忌房事百日

右藥等分共爲極細末用磁瓶收貯勿使洩氣專治跌打損傷  
每服九分以一半用燒酒調敷傷處以一半用黃酒沖服輕者  
一服重者三四服無不愈者此方得自異人傳授極爲神效屢  
試屢驗切毋以藥簡價廉而忽之也

州縣初仕小補卷下終

州縣初仕小補

卷下

五四

森寶齋印